

47
SATYRA SACRA
~~A. 12. 44~~ IN ~~A. 10. 28~~
VANITATEM MUNDI
ET RERUM
HUMANARUM
SIVE
PARAPHRASIS
IN
ECCLESIASTEN
POETICA.

Autore GULIELMO HOGÆO.

Typis Richardsonianis in usum
Autoris.

SATYRA SACRA

IN

AVANTATEM MUNDI

ET RERUM

HELIANARUM

ET

PARAPHRASIS

IN

ECCLSIASTEN

POETICA

CAMBRIDGE
UNIVERSITY
LIBRARY

824-102

A D

LECTOREM.

Lector Christiane & Benevole,

Poema Latinum quod in Jobum
composui, & ante annos paucos
edidi, adeo gratum acceptumque fuit
piis & eruditis auribus virorum vite
Sanctitate ac Doctrina Illustrium, ut
me ad hoc etiam quod nuper in Ec-
clesiasten elaboravi publici juris fa-
ciendum animaverit; Tu itaque hoc
(b) labore

Ad Lectorem.

labore frui, quo tibi prodesse pariter & oblectare possis cum iucunda simul tractet, & vitæ felicitur ducendæ perquam idonea. Hic tibi Vates ille Regius Solomon, quem Autorem hujus libelli fuisse certissimum est, cum nullus filiorum Davidis præter Solomonem Patri in Regno successerit, inanes hujus mundi vanitates ob oculos posuit. Hic ne felicitatem in rebus terrenis inveniri posse falso tibi persuaderes, omnium quæ mortales tantopere admirantur longa experientia exploratam meram inanitatem stylo Satyrico sed ~~inartibus~~ exagitat. Si tempus quo huic operi manum admolitus sit inquiras, omnino verisimile est hæc illum in senectute scripsisse; postquam
omnium

Ad Lectorem.

omnium vite antea peccatorum, & imprimis horrenda in Idololatriam Apostasia respicientiam egisset. Nam penitusse & misericordiam eternam consecutum esse manifestum est, cum Deus peculiari promisso se ipsi Patrem futurum nec in eternum si peccaret derelicturum, aut Hereditatisjura abdicaturum sed pænis tantum temporariis castigaturum esse sanciverit. Si materiam aurei hujus libelli penitus intropicias jucunditatis & utilitatis plenam reperies. Nam vanissimum esse querere felicitatem in vanis hujus mundi ludibriis ipsa inanitate inanimioribus Autor suo exemplo demonstrat. Nihil intentatum, nihil inexpertum illi fuit cui dulcedinis quicquam aut suavi-

Ad Lectorem.

tatis inesse videbatur. Sed omnibus exploratis hoc uno charactere omnia insignivit; Vanitas vanitatum, & omnia vanitas; Et per longum foritem variarum rerum quibus humanum genus misere delusum inbiat vanitatem manifestat. Nec hic subsistit, sed ad nos e miseriarum labyrinthis educendos progreditur, & veram ad felicitatem perveniendi viam demonstrat. Et primo cum multi per scalam sapientiæ ad felicitatem ascendere sibi posse videantur frustraneam hanc spem esse convincit, cum sapientiam tristitia & animi vexatio sequatur. Deinde explorata & comperta sapientiæ vanitate, ad jogos & delicias varii generis digreditur. Effuso se dat risui, lusibus animum exhibeat,

Ad Lectorem.

bilarat, vinum affatim bibit, musica vocali & instrumentali se oblectat, hortorum & pomariorum amenitate, variis florum fructuum & Arborum deliciis abundantium spiritus curarum pondere degradatos relevat & refocillat : Horum autem omnium vanitate, & cum vanitate juncta vexatione penitus inspecta, quid characteris illis attribuit omnibus? Omnia inquit, sunt vanitas & vexatio spiritus. Varias rationes hujus sui de rebus mundanis judicii subnectit; quippe cum mors sibi esset inevitabilis, Heres laboris ipsius fructum erat decerpturus, de quo qualis esset, se mortuo, futurus certo divinare non potuit; tum de rerum variarum inconstantia differit, quæ non parum vanitatis

Ad Lectorum.

tatis & vexationis rebus adjicit. Deinde de miseriis pauperum a ditibus & opulentis oppressorum conqueritur, quorum conditioni mortem ipsam anteponendam judicat. Insuper vero vanitatem dignitatum injuria partarum exaggerat, cum injuriarum ratio ab autoribus coram tribunali divino sit reddenda. Præterea in solitudinis intempestivæ incommoda, & præsertim avari solitarii misérias invenitur; Regum vero impiorum infelicitatem deprædicat, & puerum humili stirpe prognatum si sapientia sit præditus, isti anteferendum existimat: præterea picrum Regum sortem malis omnino immunem esse pernegat, propter variabilis vulgi inconstantiam,

Ad Lectorem.

Stantiam, quorum favor vento levior est, quorum amor facile in odium convertitur, vel tædio præsentium vel spe futurorum. Quinto de vanitate rebus sacris adhaerente, si quando ingens in precibus verborum congeries absque seria mentis attentione effundatur. De divitiarum vanitate hic multa disserit, quippe ditissimi fructu terræ vescuntur perinde ac pauperrimi, quem tenues & humili de plebe homines sibi parva moneta comparare possunt: Nec farina melior nec fruges præstantiores aut salubriores auro quam argento aut ære venduntur. Adde quod divites curis & sollicitudinibus opum ingentium comitibus distracti noctu
vix

Ad Lectorem.

vix possunt somnum inire, cum pauper qui labore diurno victum quaeritabat, noctu suaviter curis vacuus conquiescat; nec divitiarum animum possidentis implere valent, cum nil terrenum aut caducum animo satiando sufficiat. Quinetiam ingens divitiarum copia dominos saepe suos perfundedit, & in mortem subitanam precipitavit, cum nullis sanguinis aut amicitiae vinculis avaritia alienis inhians opibus ab immani crudelitate inbibeatur. His quae commemoravi, & aliis vitae mortalis incommodis enumeratis, non rebus humanis conviciandi animo aut providentiae Divinae obstrependi, sed ut, medicorum instar, monstratis morborum generibus,

Ad Lectorem.

eo felicius medicamenta subministrēt.
Ac propterea ut multas humanæ
vitæ misérias relevaret, multa ad-
nexuit salubria consilia, quibus vi-
tam possis tibi jucundam reddere, ac
dolores inevitabiles animo ferre in-
fractō. Nam hilaritatem animi lau-
dat & probat; & ad vitæ commo-
da dum licet fruenda hortatur: Fru-
ere, inquit ille, præsentibus bonis,
nec incertis futuris inhians vanis te-
metipsum anxietatibus excarnifica:
& bonam famam & hominum favo-
rem meritis partum opibus & divi-
tiis præferendum existima. Siquan-
do infortunio premaris inopinato, di-
vinæ voluntati acquiesce; cum Deus
omnia, pro arbitrio ubique dispenset,

Ad Lectorem.

Et ab eterno quaecunque eveniunt
prædestinaverit. Hic etiam sci-
entiam, sapientiam Et prudentiam
laudat, eamque tanto ignorantiam
præcellere judicat quanto lux te-
nebris est præstantior. Necnon ad
opes acquirendas hortatur, cum mul-
ta secum adferant commoda, si cum
sapientia conjungantur. Ad dili-
gentiam in officiis obeundis præcla-
ris argumentis incitat Et instimu-
lat; cum solertia auctori sit honori-
fica Et ipsi Et aliis multum con-
ferat ad felicitatem vitæ cumulan-
dam Et miseras imminuendas.
Præterea ad corporis Et animi pu-
ritatem Et castitatem servandam
Et ad linguam regendam hortatur
miseras

Ad Lectorem.

miserias impuri amoris & pericula temerariæ loquacitatis acriter perstringens. Prudentiam etiam cum pietate commiscendam admonet, ne temere periculis non necessariis te exponas. Quod ad sacra vero attinget, ut fructum optatum divini numinis invocatio asferre possit, sinceritatem animi in precibus fundendis collaudat, ne oratio in inanem loquacitatem degeneret. Nec satis habuit præcepta ad vitam mortalem feliciter transigendam conducentia dedisse, sed, quod præcipuum est, quo pacto ad æternam in cælis beatitudinem pervenire possis tibi viam prædit, & facem præfert.

Ad Lectorem.

*Time, inquit, Deum & observa
præcepta ejus, hoc enim est totum
hominis : Hoc non modo ut in
Terris feliciter vivas, efficiet,
verum etiam januam celorum ti-
bi aperiet, & ingressum in vi-
tam sempiternam patefaciet. Ergo
nequaquam a timore divini nomi-
nis inanibus Mundi vanitatibus
abstraharis; sed in vita mortali
te ad vitam Immortalem præpara,
ac dum vigor & vires suppetunt
respice ac Deo in Christo Reconci-
liare, ut morte momentanea præ-
terita in regnum Cæleste & incor-
ruptibile ingrediaris, ubi benedictus
ille Patris Æterni Filius vivit
&*

Ad Lectorem.

Et Regnat, ubi una cum illo omnes illum vere amantes Et sincere quærentes vivent Et regnabunt in Æternum.

Autor

Autor ad Lectorem de seipso.

SI quis aves hujus, lector, de Autore libelli
Noscere quis fuerit, quove sub axe latet.
Ex quo ter denos vidit mea vita decembres
Lanigerum reduci ter pede Phœbus adit :
Gorea me peperit, dein extera Terra recepit
Jam duo in Angligenum lustra peracta solo :
Hic licet infestis agitarer sæpe procellis,
Hæc sunt in mediis carmina facta malis ;
Scilicet, ut de se cecinit Sulmonis alumnus,
Ut possem curas sic relevare meas.

SATYRA SACRA

SIVE

PARAPHRASIS

IN

ECCLESIASTEN

POETICA.

CAP. I.

HÆC tibi, posteritas sæclis oritura futuris,
 Hæc relegenda tibi pulcherrima scripta reliquit
 Jèsiadæ genitus sublimi sanguine vates,
 Admonitor prudens animo, rerumque pèritus,
 Ifacidis qui jura dabat diademate cinctus,
 Sceptraque magnifico tenuit Solymæa lacerto.

2. O curas hominum ! O quantum est in rebus inane !
 Nil vanum nisi mundus habet, nil præter inane ;
 Hoc pius Admonitor divino numine plenus
 Stigmate cuncta notat radianti subdita Phæbo.

3. Huc ades, huc aures avidamque advertito mentem,
 Quicumque es positi sub Solis lumine mundi
 Incola, qui carpis perituræ gaudia vitæ ;
 Quid juvat innumeros toties subiisse labores ?

4. En hominum ! en ! etiam pecudum, pariterq; volantum
 Secula perpetuis abeunt redeuntia sæclis :
 Sed quæ dat propriam cunctis animalibus escam
 Firma manet tellus, longoque immobilis ævo.

5. Sol radiis illustre caput fulgentibus auro
 Cum manè æquoreis emergens exierit undis
 Progreditur, puroque accensam lumine flammam
 Ducit ad occiduas constanti tramite metas.
 Tum rapidum Oceani rubro lavit æquore cursum,
 Et nostro adversum radiis illuminat orbem
 Bœique iterum rediens stat margine Cœli.

6. Interdum in tepidos ventus desleclitur austros,
 Interdum in Scythici glacialia frigora ponti
 Vertit iter ; cursusque alios aliosque recursus
 Integrat assiduo sua per vestigia gyro.

7. Omnia prona ruant licet in mare flumina vastum
 Non satiatur aquis marmor revolvibile, postquam
 Unde ortus habuere suos huc versa recurrunt
 In gremiumque suæ sese effudere Parentis.

8. Denique quicquid habet dives circumspice mundus,
 Omnia pressa sua graviter sub mole laborant
 Et proprio lassata gemunt sub pondere ; quantus
 Omnia languor habet, nec lingua ostendere verbis
 Nec subtile queat complecti mentis acumen.
 Quicquid in hoc oculus circumque infræque supræque
 Orbe videt, nunquam satiabitur ille videndo ;

Et licet audieris humanæ mella loquelæ,
Et varias pecudum voces cantusque volucrum,
Murmuræque in querulis blandè resonantia chordis,
Non tamen omnino cupidam satiaveris aurem.

9. Quicquid erit primis olim fuit ante diebus ;
Factæque sunt sæclis quæ sunt facienda futuris.
Jampridem & posthac oritura ætatis imago est
Præteritæ, vitæque refert ventura vetustam.
Lumina nil sub sole novum mortalia spectant :

10. An quidquam in latis terrarum est cernere regnis
Quod dici queat esse novum? jam desine tandem
Insanfre hominum soboles, desiste superbe
Inventus jactare novos artemque novatam ;
Nec vanos tibi finge novæ virtutis honores.
Quicquid enim tibi laudis inest hoc gentis avitæ
Exemplum est, primoque patres ornaverant ævo.
Siquid fortè novi produxeris, illud ab usu
Fit vetus, & pereunte citò novitate senescit.

11. En! quæ præteritos magna cum laude per annos
Floruerant, jam ignota jacent ; Sic tempore nostro
Quæ modo clara micant etiam sub nube latebunt
Perpetuâ, longisque teget nox atra tenebris.

12. Neve tibi videar vanis imponere verbis
Quæ loquor ; hæc docuit longa experientia rerum.
Ille ego qui Solymam magna ditione tenebam,
Per populos qui jura dabam sacrata volentes
Consiliis opibusque potens, sceptrisque verendus.
Nil mihi, si quidquam potuit quod terra ministrat,
Aut fortuna favens, hominem fecisse beatum,

13. Desuit. His ego præsidiis instructus in imum
Naturæ penetrare paro perducere gressum.
Per terras hominesque vagor, per quicquid in orbe
Cernitur humano studio flagrante ferebar :
Me labor hic durus tenuit quem Rector Olympi-

Omnibus in mundo comitem, sociumque perennem
Esse dedit curis acuens mortalia corda.

14. Cuncta pererravi quæcunque ex æthere spectat
Syderei fax clara poli, quæcunque sub undis,
Quæcunque in gremio latitant telluris opaco.
Judicium jam quisquis aves cognoscere nostrum
Nil nisi quod vanum est ingens complectitur orbis
Multaque sollicitis mentem exagitantia curis.

15. Quod claudum est nequit in rectam se vertere formam,
Quod truncum est mutilumque nequit supplerier illud.
Viribus infirmis hominum, quia scilicet arctis
Finibus inclusa est humana potentia, multos
Haud ullo reparare potest molimine casus.

16. Ergo oculis animi quisquis discernere certas
Qua ratione queas traducere suaviter ævum,
Huc adsis memorique animo mea dicta reconde:
Si bona summa putas rerum cognoscere causas,
Abditæque in tenebris mysteria cernere cæcis,
Falleris: En ego sic tacito sub corde loquebar:
Jam mihi collecta est vasta experientia rerum,
Jam mihi perspectum est gremio quodcunque capaci
Terra vel unda tenent, & quæ natura negavit
Visibus humanis oculis ea pectoris hausi.
Jam mea transcendit cunctos sapientia Reges
Quicunque in folio Solymæ sedere superbo;
Nec falso: nam cuncta aliis quæ clausa jacebant
Ingenio patefacta meo emergere tenebris,

17. Et penetravi animo naturæ arcana sagaci.
Quantum & stultitiæ distet sapientia vidi.
Non tamen hinc animum potui relevare dolentem,
Hoc etiam de fonte dolor manabat acerbus,
Multaque sollicitis mentem exagitantia curis.

18. Quisquis enim vigili studio mysteria mundi
Intima scrutatur, tenebrisque obsessa recludit,

Anxitate

Anxietate animi miserè vexatur amari,
 Ingentemque premit mæsto sub corde dolorem,
 Magnaque tristitiæ comes est sapientia magnæ :
 Nam licet ingenii penetrarit acumine vasti
 Plurima, multa tamen superesse impervia cernit,
 Hinc magis atque magis sitis est accensa sciendi,
 Nec requie finit illa frui : quin se quoque torquet
 Forsitan a vulgo stolido contemptus, & illi
 Fors meritum plebs ima negat virtutis honorem.

B 3

C A P.

CAP. II.

J Amque ubi perspexi penitus, sapientia postquam
 Sustulit, inque suo posuit me culmine, vitam
 Felicem procul esse tamen : tum talia mecum :

Nunc age sepositis mea mens nunc incipe curis

Ducere sollicitæ jucunda oblivia vitæ :

Carpe voluptates varias, quas terra benigno

Sufficit alma sinu ; dulcemque amplectere toto

Pectore lætitiâ, ludis adâperta jocisque

Porta sit & laxis latè exspatiantur habenis :

Tunc mihi sollicitam mille oblectamina mentem

Exhilarant, variâque animum dulcedine mulcent.

Quid tamen inde boni tulerim si forte rogabis :

Delitiæque jocique & quæ tibi vita ministrat

Gaudia cuncta simul si congererentur in unum,

Nil solidi his constat, sunt vana & inania prorsus,

Sunt levibus ventis volucrique simillima somno.

2. Ergo mihi meritò tacita sic mente loquebar :

Quid jocus est stultæ nisi læta insania mentis ?

Risus & altifono distortuens ora cachinno

Quid facit ? aut in quam properat contendere metam ?

3. Tot vero expertis requiem quærendo cupitam

Quamlibet haud usquam invenio, vastumque per orbem

Nulla salutiferæ video compendia vitæ.

Non tamen abisto vigili perquirere cura

Quicquid ab auricomi spectatur Iamine Phœbi.
 Et reperire paro tibi gens mortalis in orbe
 Qua ratione queas traducere suaviter ævum,
 Et, stolidis curis animique angore remoto,
 Ducere sollicitæ iucunda oblivis vitæ.
 Idcirco laticum largè mea sumit honorem
 Dextera lætifico relevans mihi pectora vino.
 Non tamen ut multo stupeant, sensumque relinquant
 Corda sepulta mero, sed acumen flamma ministret
 Vitea, & accumulet nostrum insinuata vigorem.

4. Immensæque etiam turres, ac testæ, minæque
 Murorum ingentes, æquataque mœnia cælo
 Sunt opibus fabricata meis; ædesque decoras
 Extruxi, atque mea plantata est plurima dextra
 Vitis, in immensum extentis diffusa racemis,
 Celsæque turrigeri transcendens culmina muri.
 Plantavi innumeris distinctos floribus hortos,
 Atque salutiferæ succis variantibus herbæ;
 Ut nares passim ambrosio vehementer odore
 Pellicerent, visuque oculos, gustuque palatum.

5. Plena quoque arboribus statui pomaria cunctis,
 Ut sensus varium raperent generantia fructum,
 Defessumque suâ refoverent corpus in umbra.

6. Huc liquidos mea cura lacus & stagna coëgit,
 Arbor ut ex imo fecundo humore rigata
 Frondentes latè ramos & brachia tendens
 Huc illuc, mediâ ipsâ ingentem redderet umbram.

7. Innumerosque mihi famulos famulasque paravi
 Undique, vernarumque ingens mihi vulgus abundat,
 Ædibus in nostris queis primum infantia cælum
 Hauserat; atque Asinos & equos ad fortia natos;
 Atque laboriferi sobolem mea dextra juvenci
 Lanigerasque acquirit oves, hirtasque capellas
 Sylvicolasque feras numero quæ dicere non est;

Quem qui scire velit, libyci velit æquoris idem
 Discere quam multæ zephyris agitentur arenæ.
 Sic mea transcendit cunctos opulentia reges
 Quicumque in folio Solymæ sedere superbo.

8. Et pariter nivei cumulum flavique metalli
 Collegi ingentem ut numerum cum pulvere adæquet ;
 Quid ? quod ab Eois veniens cum classibus Indis
 Mercator gravis ære domum mihi sæpe redibat :
 Et vastas cumulavit opes regale tributum,
 Quod mihi collectum est populi inter millia nostri,
 Millia divitibus multum exundantia gazis.
 Quin & sceptrigerum mihi toto ex orbe fluebat
 Turba virum, quos fama mei præclara trahebat
 Virtutes visura meas : fastuque remoto,
 Ante meos cecidere pedes, & supplice vultu
 Nec vacuâ venere manu ; sed munera secum
 Attulerant, ignotum argenti pondus & auri,
 Et nitidas gemmas, Tyrioque nitentia succo
 Tegmina, nostrum avidi sibi demeruisse favorem
 Atque aditus mollire suos, & tempora fandi.
 Masculeique mihi generis cantare peritos,
 Fœmineique simul generis cantare peritas
 Conduxi innumeras, nec defuit ulla voluptas
 Qua trahitur mortale genus : citharæque lyræque
 Organæque & numeris resonantia cymbala blandis
 Detinuere animum variâ dulcedine nostrum.

9. Sic mea sceptrigeros transcendit gloria cunctos
 Qui priscis diadema meum gessere diebus
 In portis Solyma alta tuis, nec pondere rerum
 Tantarum mens fracta labat ; sapientia nobis
 Prima manet, nec tantus opu proventus & usque
 Debilitant vires animi, mutantve vigorem.

10. Nulla optata aberant : oculo quæcunque vaganti
 Vidi, visa peto mihi mox, potiorque petitis.

Quoquò oculos verti, quoquò vestigia flexi,
 Delitijs pars nulla vacat : mihi gaudia præbet,
 Quicquid in humanis dulce est & amabile rebus.
 Lætitiâque mihi variâ mea facta ministrant
 Omnia, nam nostri fructus fuit ille laboris
 Unicus auricomi subter vaga lumina phæbi.

11. Post verò immensas, queis nocte dièque vacabam
 Tantorum impensas operum tantosque labores,
 Quos tuleram in posito sub solis lumine mundo,
 Judiciû quicumque velis inquirere nostrum
 De cunctis quæ mundus habet, si credere fas est
 Usibus instructo, & multa assuetudine rerum
 Si quid fortè docet longa experientia veri,
 Nil nisi inane nihil vastus complectitur Orbis,
 Multaque pestiferis animum torquentia curis.
 Nil solidæ bonitatis habent, quæcunque videntur
 Sydereo subiecta polo : totum undique vanum est,
 Quicquid ab æthereo spectat Sol clarus Olympo.

18. Rursus ad antiquum studium, curasque priores
 Mens redit, & quid vera foret sapientia rimor,
 Quidque furor, quid mentis inops insania, claram
 Ingenio præbente facem; nam rector Olympi
 Tam puro nostram perfudit lumine mentem, ut
 Nullus in orbe queat melius discernere verum :
 Nec mihi præripiat palmam quicumque futuris
 Extiterit sæclis hominum de semine cretus.
 Nam quid in humanis poterit gens postera rebus
 Quod non præstiterit magni sapientia Regis
 Divitiis opibusque & festa pace virentis ?

13. Tunc mihi stultitiâ tantum sapientia cæcam
 Vincere visa fuit, variisque excellere rebus,
 Quantum præstiterit nigris lux clara tenebris ;
 Lux oculis pergrata tuis, lux apta labori,
 Expellensque metus animo, rebusque colores

Restituens, rectoque regens in tramite gressum.

14. Vir sapiens oculis non frustra in fronte locatis
 Utitur, hujus enim rectrix prudentia mentem
 Instruit, errores abigit, circumspicit ecquid
 Forte mali immineat, ventura pericula vitat.
 Prævidet eventus operum fructusque laborum.
 At contra stultus caret hac duce, perque tenebras
 Ambulat, insanum peragit sine mente laborem,
 Currit in oppositas viduatus lumine fossas.
 Inter multa tamen discrimina convenit illud
 Inter utrumque, suam nequeunt defendere vitam
 Sortis ab adversæ laqueis, nunc surgit in altum
 Stultus & in tenebras sapiens demergitur imas :
 Nunc rursus emergit sapiens & stultus ab alto
 Præcipitat, summæque trahit de sede ruinam.
 Nunc hunc, nunc illum placido sors lubrica vultu
 Respicit, atque iterum rapidis volat avia pennis :
 Usque adeo simili vita est obnoxia sorti
 Amborum, & dubios subeunt sine vindice casus.
 Præterea metampariter gens omnis in unam
 Incola Phæbæo positi sub sydere mundi
 Contendunt, gelidæque ruunt in limina mortis,

15 Ergo mihi meritò tacito sub corde loquebar :
 En ego tam sapiens, stolidusque & mentis egenus
 Sorte pari, ætheriâ, fruimur, dum vescimur aurâ,
 Et cum fata vocant parili quoque morte cademus.
 Ergo ego cur isto sapientior esse studebam ?
 Scilicet haud aliis minus est sapientia rebus
 Vana, nec hinc animo satis est solaminis ægro.

16. En! modo qui clara celebrantur laude per orbem,
 Et fama super astra volant mox, infima tanquam
 Fæx populi, æternis venturâ ætate tegentur
 In tenebris, longæque diu sub nocte jacebunt.
 Et qua morte cadit sapiens? qua pectoris experts

Præcipites

Præcipites in fata ruunt, mortemque tremendam;
 Hic atque hic gelidique latent sub mole sepulchri
 Omnia consimiles, nec post sua fata resurgent
 Rursus præteritæ subeunda ad munia vitæ.

17. Ergo mihi miseræ venerunt tædia vitæ:
 Immensæque operum moles vastique labores
 Phæbææ sub luce facis quicunque geruntur
 Omnia sunt nobis odio, nam evanida prorsus
 Omnia sunt, miseris animum lacerantia curis.

18. Et contempta mihi jacet omnis gloria mundi,
 Nam studiis opibusque meis quæcunque paravi
 Incola Phæbæo positi sub sydere mundi
 Hæc ego nascenti puero mox cuncta relinquam.

19. An verò hic sapiens, an inertī corde futurus
 Dicere quis poterit certisque ostendere signis?
 Qualiscunque tamen fuerit, quæcunque paravi
 Incola Phæbæo positi sub sydere mundi
 Consiliis opibusque meis, ea cuncta tenebit.

O quantum est igitur cunctis in rebus inane!

20. Tunc ego ludibriis mihi stultè imponere vanis,
 Optatumq; mei fructum sperare laboris
 Scilicet omnino fieri sub sole beatum,

21. Abstiteram, nam quis fugitivæ incommoda vitæ
 Enumerare potest? sunt qui noctesque diesque
 Ingentes tulerant multo sudore labores
 Justitia meritisque graves, mox dira sub umbras
 Mors abigit, cunctisque frui permittitur alter
 Atque laboriferæ messem hanc abducere vitæ.
 Quam vanum & miserum est tanto indulgere labori,
 Cujus ad Autorem nulla emolumenta redundant!

22. Esse quid anxiferis cruciatum pectora curis
 Juvit? & innumeros toties subiisse labores,
 Quos tulit in posito sub Solis lumine mundo?

23. Quippe dies agitat cum sollicitudine cunctos

Cuncto-

Cunctorumque operum multi sine fine dolores
 Assidui perstant comites nec nocte quiescit
 In media, somnosque abrumpit cura salubres.
 Eheu! quam vanum est tanto indulgere labori!

24. His ita perpensis mihi iusto examine, tandem
 Maturo sic iudicio decernere visum est:

Quamlibet in terris nihil omni ex parte beatum
 Posse videre datur, miseris nec libera curis
 Gens humana potest, requiemque indepta perennem
 Ducere sepositam procul omni a turbine vitam;
 Maxima sollicitæ referam solamina mentis:
 Nil magis in misero dulce est & amabile mundo,
 Quam si quis rapiat fugitivæ gaudia vitæ,
 Dum licet, & fessas frugum sibi munere vires
 Cordaque lætifico relevet languentia vino;
 Nec sinat ille suum fructu caruisse laborem.
 Si tamen hac ullus valeat dulcedine vitam
 Exhilarare suam placide, partisque fruatur,
 Hoc quoque divini mihi muneris esse patebat.

25. Et supra de sede datum, nam quotquot in orbe
 (Scepstrigeri) diadema gerunt, quis me magis ipso
 Delitiis vitæ innumeris, opibusque redundat?
 Non tamen his potior, magni nisi numinis adsit
 Ille favor, qui cuncta beat, qui cuncta secundat.

26. Nam Pater Omnipotens miro pietatis amore
 Sanctorum puro perfundit luminè mentes,
 Lætitiæque animos hilarat, sed corda malorum
 Impia sollicitis torquet trepidantia curis
 Quasque sibi multo noctesque diesque labore
 Accumulavit opes vel vi vel fraude scelestus
 Subtrahit, & puris animi rectisque ministrat
 Datque laboriferæ messëm hanc abducere vitæ;
 Perfruiturque pius quod gens scelerata laborat:
 Hæc quoque res vana est & acerbi plena doloris

C A P. III.

CArpe voluptates igitur quas vita ministrat
 Innocuas, fructumque tui ne linque laboris
 Dum licet extemplo fugit irrevocabile tempus
 Quicquid enim gremio tellus tenet alma benigno
 Quod refugo tenet unda sinu, quod mobilis aër,
 Quodcunque immensum cœlum tegit, omnia surgunt

2. Per cortas, abeuntque vices : Sic tempore certo
 Nascimur in tenues iterumque relabimur auras.

Figimus omniparæ plantas modo viscere terræ
 Et modo convulsas rapimus : modo corpora letho.

Mittimus, interdum medicas ad vulnera præstat
 Applicuisse manus, mortemque fugare propinquam.

Interdum ex imis tecta ardua fundamentis

Diruimus, vastamque trahit domus ampla ruinam,

Æquatasque solo penitus prosternimus urbes

Nunc lapsas renovare domos, ædesque revulsas

Et desolatas urbis reparare ruinas

Tempora iusta vocant : Nunc imbribus ora madescunt

4. Et nunc jucundo distendimus ilia risu.

Nunc plorare juvat nunc prodere gaudia saltu,

Et lætos celebrare choros pede, carmine, vultu.

5. Commoda congerere & lapides cumulare requirunt

Tempora, subvectare humeris cum saxa necesse est

Conductas operas, seu fors cordi est tibi parvas

Ædificare

Ædificare casas, seu grandia condere testæ
 Et late ingentes murorum attollere moles.
 Nec minus abjicere & lapides dispergere tempus
 Nos vocat, adversas aries cum bellicus arces
 Subruit, aut medios fundam evacuumus in hostes;
 Aut cum sulphurææ impellit violentia flammæ
 Saxa cavo inclusus quoties furit æstus ahenæ.
 Est ubi quos vinxit socialis tæda decenter
 Fœmina juncta viro blandis complexibus hærent,
 Est ubi complexu decet abstinuisse jugali.

6. Cum fors blanda favet, multi cumulantur acervi
 Nummorum, at contra multo congesta labore
 Copia lapsa ruit zephyrus cum blandus in austros
 Transit, & ambiguae versa est rota lubrica sortis.
 Tempore sic certo bona parta tuerier æquum est
 Frigora queis duramque famem depellere possis
 Ne vitam orbus agas & inops : sic tempore certo
 Quæritas dispergere opes fors dura requirit,
 Parcere nec partis : avidis sic ignibus ingens
 Cui domus ardescit, sibi dum fuga tuta supersit
 Cætera non dubitat subitis permittere flammis.
 Nec renuit medias merces effundere in undas
 Navita, cum rapidis ratis est agitata procellis.
 Et damno leviori animæ dispendia vitat.

7. Sic alias sarcire decet, sed rumpere vestem
 Tristior hora vocat : nunc ora resolvere verbis
 Libera, nunc tacitæ mandare silentia linguæ
 Alta decet, veluti diversa occasio rerum
 Postulat aut prohibet : vario fors lubrica vultu
 Munera pro variis vicibus diversa requirit.
 Si tibi sive tuis valeas prodesse, loquendum est ;
 Tunc tibi verba fluant, alias tacuisse juvabit,
 Atque loquendi avidam frænâ constringere linguam.

8. Nunc socius vero tibi complectendus amore est,

Nunc

Nunc si degeneret penitus, si jura fidemque
 Negligat, & vitiis sese inquinat ille pudendis ;
 Materia est odii merito vita impia sancti.
 Tempora nunc poscunt armare in prælia dextram,
 Duraque sanguinei subiisse pericula belli
 Protinus, hostili pateant ne præda furori
 Patria, libertas, & quæ tibi cara supersunt
 Omnia cum nitido florentes ære Phalanges
 Undique conveniunt in te excidiumque tuorum.
 Ast alias placidam dulce est & amabile pacem
 Amplecti, pacisque bonis impune potiri.

9. Ergo quid innumeris animum discerpere curis
 Gens humana juvat? vel qua ratione laboris
 Lenimen reperire potes, portumque doloris.

10. Nam quocunq; oculos animumq; adverteris ægrum
 Omnia languor habet propria sub mole gravantur,
 Nec genti humanæ veram reperire quietem
 Fas, haud ille finit superi Regnator Olympi.

11. Tempore quidque suo pulchrum vultuque decoro
 Efficit ille deus ; puerum puerilia certe
 Facta decent indigna viro, gravitasque, senilis
 Maximus ætatis decor est viresque juventæ :
 Pax bello, & paci bellum contraria poscit
 Munera, diversum fors dura & læta requirit
 Officium, & varias animi variata figuras
 Imperitat, seu torva oculis seu fronte serena
 Adveniat, lætumve premens hilaransve jacentem.
 Sic vero ingenti quicquid contingit in orbe,
 Ludit in humanis divina potentia rebus,
 disposuitque vices varias & tempora rerum
 Ut nequeas ex præteritis præscire futura.
 Tam dubia subnixæ rota fors omnia versat.

12. Hæc igitur certè cunctarum est optima rerum,
 Carpere dum fas est fugitivæ gaudia vitæ :

Utendum

Utendum est ætate, cito pede labitur ætas
 Invida quam spatio natura coercuit arcto :
 Multa ergo in paucis tua sint benefacta diebus
 Neve infrugiferum transmittas turpiter ævum.

13. Carpe voluptates etiam quas vita ministrat,
 Jucundumque tui fructum ne linque laboris :
 Quid, quod ab æthereo venit hoc tibi minus Olympo.

14. Nam cur sollicitis cruriales pectora curis
 Anxia cum nequeas divinam vertere mentem ?
 Namque deus rerum genitor quodcunque, per orbem,
 Evenit immensum res O miranda relatu
 Illud ab æterno quondam decreverat ævo.

Quæ sint, quæ fuerint, quæ mox ventura trahantur
 Decreti sunt cuncta libro descripta perennis.
 Nec quidquam in vasto penitus contingere mundo
 Plusve minusve potest ; facit hoc Pater ille perennis
 Discat ut æthereum gens nostra tremiscere numen,
 Cujus ab arbitrio dependent omnia solo.

15. Hoc tamen interea memori tibi mente notandum est:
 Quod nunc est primis olim fuit ante diebus
 Factaque sunt, sæclis quæ sunt facienda futuris,
 Jampridem, Omnipotens anteacta reducere gaudet
 Antiquosque referre dies asluevit & ævo
 Præterito similes venientis reddere casus.

16. Præterea vigili studio dum singula rimor,
 Quicquid inest posito sub solis lumine mundo,
 Erranti passimque oculos per cuncta ferenti
 Justitiæ sedes fraudis mihi plena dolosæ
 Apparet, miserisque locus qui debet Asylum
 Esse, fuit miseris scopolus, sed portus iniquis :
 Hic varæ scelerum facies, hic dira cupido
 Æris, adulterium, rabies, mendacia falsi
 Oris, & innocuo manus oblita sanguine regnant.
 Ast inopes juxta pariter jacuere gementes,

Sedibus extorres peregrini, orbusque parente
Orphanus, & caro conjux viduata marito.

17. Hæc ego prospiciens tacitâ sic mente loquebar :

Jam regnant impune mali, pietasque fidesque,
Sub pedibus contempta jacent ; injuria dives
Justitiam premit & cunctis dominatur in oris ;
Non tamen hæc nullis oculis videt ille perennis
Arbiter ; adveniet felix & amabile tempus,
Præmia cum referent sancti, pœnisque premetur
Impius, & meritâ præceps cadet ille ruinâ.

18. Hoc quoque, perlustrans mortalia cuncta, notavi

Quod Deus ante oculos facit effullescere cunctos,
Quamlibet avertat stolidum sua lumina vulgus ;
Scilicet haud minimum brutis animantibus hilum
Humanum differre genus : Quod bobus equisque
Accidit, & reliquo pecori rationis egeno,

19. Hoc etiam nostro generi contingit ; acerbæ

Cætera seu mortis fatali lege tenentur
Sic quoque nos pariles vitæ quoque ducimus auras
Et pariter cinis atque umbræ mox finis inanes.
Usque adeo brutas hominum de semine nati
Nil superant pecudes : Sic nos atque omnia passim
Cæteraque innumeras habitant animalia terras
Nascimur & morimur simili ratione, nec usquam
Præter inane nihil spatiosus continet Orbis.

20. Serius aut citius sedem properamus ad unam

Lumine vitali qui vescimur omnia surgunt
E cinere, in cineremque iterum dilapsa recurrunt.

21. Sed tamen a sæclis hominum fera Sæcla ferarum

Haud minimo distant discrimine (sed quis in orbe
Hæc animadvertit, pensatque examine justo?)
Spiritus humanus volat alta in sydera cæli
(Cælesti veniens ab origine) mole solutus
Corporea, sed vita perit cum corpore brutis

Vanida, & in tenuem fugiens dissolvitur auram ;
 Terrenâque petit veniens ab origine terram.

22. Hæc mihi sollicitæ pensanti incommoda vitæ
 Quæ miseras hominum mentes & pectora cæca
 Discruciant, requiemque negant, examine justo.
 Maturo sic judicio decernere visum est.
 Gens humana, tibi multo quæsitâ labore
 Arripe dum fas est pereuntis commoda vitæ
 Quæ subito fugitiva volant ; raptimque præhende
 Quicquid in humanis dulce est & amabile rebus,
 Dum tempus, dum vita sinunt : Hæc optima rerum est :
 Ecquis enim ventura potest prædicere, visus
 Quæ procul humanos fugiunt & nocte teguntur ?
 Quis scit an adjiciet hodiernæ crastina vitæ
 Tempora Rex ille Ætherius qui cuncta gubernat.
 Ergo animo læto præsentibus utere rebus,
 Jucundumque tui fructum decerpe laboris
 Dum licet, extemplo fugit irrevocabile tempus.

CAP. IV.

Rursus ab excelsa gazis opibusque tumentum
 Sede virum flectens oculos, sub pondere duro
 Conspicio pressos inopes quos dextra potentum
 Degravat, armatumque nefas : qui vindice nullo
 Afflicti vitam in tenebris luctuque trahebant,
 Qui frustra innumeras miseranda voce querelas
 Fundebant, miseris nullo auxiliante, perenni
 Rore rigante genas, singultuque ilia rupti.

2. Tristia ego hæc oculis cernens spectacula fixis
 Ipsam tam miseræ mortem tum præfero vitæ :
 Quandoquidem his longè meliori sorte fruuntur,
 Qui dudum in gelido clausi jacuere sepulchro ;
 Et vacui curistaciturna in sede quiescunt.

3. At vero ambobus multo ille beator istis
 Judice me miseræ qui nondum lumina vitæ
 Attigit, ut videat duros sub sole labores,
 Turbidâque anxiferis agitetur pectora curis.

4. Hinc quoque despectens aciem dum lumine fixo
 Artificum adspicio dextras, operumque labores
 Eximios, huc livor edax contenderat arcum
 Telâque mortifero jaculatur tincta veneno ;
 Et quod non potuit reprehendere, lædere gestit :
 Hanc laudem ingrati referunt a fæce popelli
 Quicunque inventas vitam excoluere per artes.

Quique sui memores alios fecere merendo
Hæc quoque res vana est & acerbi plena doloris,

5. Hæc mala fors animam virtute absterret inertem
Quæ manibus junctis sedet averisique labori.

6. Dumque suos morsu misero depascitur artus,
Dum propria se carne replens tenuatur alendo,
Sic sibi vesano loquitur sub pectore : Præstat
Carpere jucundam tenui cum sorte quietem
Quam si continuo noctesque diesque labore
Immensas cumulâris opes, pulsâque quiete
Pectora sollicitis agites trepidantia curis :
Sic sibi blanditur, stolido sibi pectore plaudit
Stultitiamque fovet miseram quasi re bene gesta.
Ast O quam procul a vera ratione recedit !
Quid ? quod egestatem lethæa ignavia tristem
Interea, diramque famem producit egestas
Quæque famem semper comitem mala dura sequuntur.

7. Rursus ab ignavis revocans mea lumina vanum
Auricomæ sub luce facis discerno laborem :

8. Est quoque qui solus socio semotus ab omni
Degat nec minimam sobolem de stirpe virili
Fœmineâve habeat, nec fratrem aut sanguine junctum
Cui bona discedens avidè congesta relinquat.
Hunc tamen atra fames & amor sceleratus habendi
Perpetuo exagitat stimulatque cupidine vano.
Hinc illum labor assiduus sine fine fatigat,
Nec requiem dat cura brevem, nec lumen avarum
Nummorum immensis unquam exatiatur acervis.
Nec secum interea sedato pectore fatur :
Quid tantum insano juvat indulgere labori ?
Cui tantæ cumulantur opes ? cui cuncta reservo
Quæ mea dextra parat ? peregrino ? an forsitan hosti ?
Cur propriis me fraudo bonis ? cur negligo partum
Ipse laboriferæ fructum decerpere vitæ ?

En qui divitiis soli incubuere repertis

Quam vanum sine mente terunt, sine fruge laborem !

9. Quanto igitur melius ? quam suavius exigit ævum,

Cui comites adsunt vitæ solatia tali

Divite sejuncto a socio dulcique sodali

Immensas inopi inter opes ? ingentia nostræ

Commoda nempe ferunt comites & gaudia vitæ.

10. Si duo conjuncti maneant, cum decidit alter

Offensæve gradu titubat, mox alter eundem

Prolapsus subito relevat, firmatve labantem :

Sic socius socium placide solatur at illi

Væ misero rerum dura in discrimina solus

Qui cadit, ac dulci longe est semotus amico.

Nemo laboranti potis est succurrere soli,

Soli nemo potest sociam conjungere dextram.

11. Namque velut rigidæ posuit qui in tempore brumæ

Solus membra toro vix pellit frigora, verum

Cum duo concumbunt, rigidæ gelidissima noctis

Frigora mox abigunt, duplicantque augentque calorem,

Sic unus nequit ingenti præstare labore

Quod facile expediunt conjuncto robore bini.

12. Quod si forte aliquis succumbere cogitur hosti

Cum duo concurrunt numero, non viribus æqui

Si comes accurrat comiti, superabitur hostis,

Inque fugam dabitur numero majore subactus ;

Quippe haud tergeminum facile est disrumpere lorum.

13. Hoc etiam humanæ reliqua inter inania vitæ

Lumine perspicio : Rex impius obsitus ævo

Qui negat averſam monitis prudentibus aurem

Turpiter infelix miserabile transigit ævum,

Hujc puer impubes sapiens animoque sagaci

Quamlibet obscura genitus de plebe quiritum

14. Anteferendus erit : Namque hic ad culmina rerum

Evehitur, claroque caput diademate cingit

Tristibus ereptus tenebris & carcere cæco.
 Ille autem quanquam genus alto a stemmate ducat
 Sceptringeris generatus avis ab origine prima
 Perdit opes, perdit veterum patrimonia Regum,
 Remque simul regnumque trahit, patriæque ruinam.

15. Sed neque traducit vitam sine nube serenam
 Qui diadema gerit licet omni a crimine purus
 Vixerit : Infidum, inconstans, novitatis avarum est
 Vulgus & in senium patris vergentibus annis
 Optat ut in patrias soboles succedat habenas.

16. Gens hominum quotquot nitidi fax aurea mundi
 Aspicit, hoc animo est ; orientem semper adorat
 Illa, sed occiduum solita est contemnere Regem.
 Nec minus hæc Regis soboles odiosa parente
 Vivet, in hesperiam senii cum tendere metam
 Cæperit : hunc proles cupient oritura theatro
 Exire, inque novum pariter sua lumina Regem
 Conjicient : Avidum rerum sine fine novarum
 Usque adeo est hominum genus & variabile certè.
 Hæc quoque res vana est, & acerbi plena doloris.

C A P. V.

CErnis ut innumeris hominum gens undique vitam
 Septa malis agitet, variisque obnoxia damnis;
 Sed tamen hoc restat miseris mortalibus unum,
 Unum, quo valeant jucundum suaviter ævum
 Ducere sepositis tranquillo pectore curis.
 Æternum venerare Deum, rerumque parentem
 Supplicibus supera votis, precibusque fatiga;
 Ut tibi det veniam vultu non durus amico
 Atque animum accipiat placidum, mentemque benignam.
 Tu vero imprimis curam hic adhibere memento
 Ne frustra vacuis implores æthera verbis,
 Deceptusque labor pereat, ceu cætera rerum
 Pectora sollicitis frustra exagitantia curis.
 Ergo ubi sacratam domini contendis in ædem,
 Libratas insiste vias, & tramite recto
 Cautum pone pedem, potiusque accingere promptus
 Audire ætherias submisso pectore leges,
 Quam vanas cumulare preces, & fundere voces
 Nequicquam innumeras: qui præstat talia cultus
 Divini procul a vera ratione recedit,
 Et falsa specie & vanis deluditur umbris
 Dumque dei placare studet, tum provocat iram.

2. Ne verba ante Deum properata sine ordine raptim
 Ejice præcipientis dictata improvida mentis:

Nam Pater Omnipotens summo sedet altus Olympo
Nutibus atque suis spatiofum temperat Orbem

Adspiciens oculis late mortalia iustis :

Non latet hunc simplex probitas, & consona verbis

Pectora, non latet hunc simulatæ gratia linguæ

Nec mercede caret pietas & nescia fraudis

Lingua, nec effugiet meritas hypocritica pænas ;

Ergo cave nimia numen Cœleste loquela

Sollicitare, preces puro de corde profusas

Æstimat, haud numero vocum, sed pondere rerum.

3. Pectora nam veluti curis oppressa diurnis

Nocte sub obscura fallia sub imagine somni

Ludificant variis simulacra evanida formis :

Sic quoque stultorum promanant plurima ab ore

Verba, sed in vacuos fugiunt evanida ventos.

4. Hoc quoque consilium memori tu mente teneto

Rebus in adversis Domini prece numen adorans

Si votis caput obstringas, violare caveto

Quod tibi promissum est, superi Regnator olympi

Perfida vaniloquæ spernit mendacia linguæ.

Ergo quod in dubiis clamans ad sydera rebus

Reddere pactus eras si forte optata potenti

Annuerit Deus ipse, fidem servare memento,

Vota nec æriis rapiantur inania verbis. *ventis*

5. Præstat enim haud dubiè nullis te obstringere votis,

6. Quam pactam violare fidem : Temeraria nunquam

Vox fluat ore tuo, nec te promittere cogat

Cujus pæniteat ; vel quod præstare graveris,

Lingua nec in laqueos tua te trahat, & tibi culpæ

Materiam stolidi præceps audacia voti

Præbeat ; unde deo culpam fateare necesse est

Errorisque tui veniam prece supplice poscas,

Quod votu aut violes, aut quod violanda voveres.

Ergo si sapias malefana voce caveto

Irritare

Irritare Deum, calida ne concitus ira
 Irruat, atque tibi multo bona parta labore
 Et cunctas dispergat opes inopemque relinquat.

7. Somnia seu varias noctu referentia formas
 Sollicitant animum falsa sub imagine, sed mox
 Cum somno fugitiva volant : Sic prodiga linguæ,
 Improba garrulitas, temeraria fundere gestit
 Et falsa specie & vanis deluditur umbris.
 Tu vero imprimis rerum venerare parentem
 Sic linguam frænare tuam moderamine certo
 Et precibus castis divinum flectere numen

8. Addisces, nec te moveat nec tramite recto
 Abducat, si fors tenues tu vindice nullo
 Videris oppressos falsa sub imagine juris,
 Turbaque pestiferis inopum fit præda tyrannis.
 Nam Pater Omnipotens superi Regnator Olympi
 Unicus ille alios sub se premit altior omnes.
 Proximus huic, longo sed proximus intervallo
 Spirituum Chorus ille sedet, qui cuncta potentum
 Sub pede colla premunt Regis pia iussa perennis
 Dum peragunt, mundique amplis dominantur in oris.
 Non igitur semper pietas sine fine premetur
 Nec semper dira impietas impune sedebit
 Sceptra gerens, meritas referet pro crimine pœnas,
 Ergo verè Deum constanti pectore ; sed nunc

9. Propositum repetamus iter. Quid præter inane
 Mundus habet ? Quid opes profunt ? Quid præstat egeno
 Dives agris, dives positus in sænore nummis ?
 Quicquid enim fruitur vitali lumine, victum
 Sufficit & gremio tellus sæcunda benigno
 Undique, communis pariter fovet omnia nutrix
 Viva, per innumeras pariter fovet omnia terras.
 Sæcla hominum pecudumque genus, vitæque volantum
 Hinc sibi producant pereuntis tempora lucis,

Rex

Rex æque ac humilis tenni de plebe quirites
Hinc alimenta capit vitali & vescitur aura.

10. Ergo quisquis avet nummos & numinis instar
Diligit & nivei facti infectique metalli
Immensis sine fine inhiat constanter acervis
Dira fames animi nunquam satiatur avari,
Sed vesana lucri crudeli tabe cupido
Cor vorat, ut medio residens in pectore vultur:
Crescit & anxietas quantum ipsa pecunia crescit:
Hæc quoque res vana est levibusque simillima ventis.

11. Præterea hæc opibus plaga immedicabilis hæret;
Si vastæ cumulantur opes, cumulatur edentum
Turba vorax: Domino quidnam utilitatis ab illis
Provenit inde oculus nisi quod se oblectat avarus
Applauditque sibi vastâ cum spectat in arcâ
Candida cum croceis numero sine mista metallis.

12. Quoque minus mireris opes gazasque potentum,
Qui multo sudore diem transegit & horas
Phæbæas operi dederat, si pellere duram
Forte famem valeat, taciturno in tempore noctis
Jucundo relevat languentia membra sopore.
Prædulcem hunc duri fructum capit ille laboris;
Blanda laboriferæ requies comes addita vitæ.
At dives vastis nummorum obsessus acervis,
Pauperis alta quies refovet dum membra, tenebras
Insomnes agit: Haud oculis aut pectore noctem
Accipit, ingeminant curæ, rursusque resurgens
Sævit amor nummi & scelerata insania lucri.

13. Hæc quoque divitias aliquando commoda vidi
Dura sequi: Dominis multo sudore coactæ
Exitium peperere suis vastamque ruinam.
Quid? quod avaritiæ stimulante cupidine cæco,
Filius ante diem Longævi fata parentis
Præcipitat, genero socer est invisus avaro:

Germanum Germanus atrox, Germana sororem
 Enecat, & maculat cognato sanguine ferrum :
 Nec Socius socio, nec fida est nupta marito,
 Nec satis est hospes securus ab hospite : Tantum
 Dira fames auri potuit suadere malorum.

14. Quam miserè bona tot longo congesta labore
 Mox pereunt celerem dominis properantia mortem.

15. Esto autem, placidum transegit suaviter ævum
 Dives, & in tumulum sine cæde & sanguine venit :
 Cuncta tamen soboli bona parta in morte relinquet,
 Nec quidquam in cava busta feret (miserabile dictu)
 Nudus ut ex utero materno prodiit infans,
 Nudus & in terræ gremium post fata recumbet.

16. Ergo quid inde boni fructus tulit ille, laborans
 Comprensare suis simulacra fugacia palmis ?

17. Sic miser in morte est : Quin & dum vita manebat
 Ætatem miseram in tenebris luctuque trahebat
 Pectora sollicitis torquens trepidantia curis
 Nonnunquam & miseris cruciatus corpora morbis.
 Insuper & scelerum facies horrenda suorum
 Attonitos stetit ante oculos, semperque coegit
 Magnas inter opes inopem traducere vitam :

18. Ergo quod edidici longo consuetus ab usu
 Audi avidè & monitis animos advertito nostris.
 Arripe dum fas est celeris bona lubrica vitæ
 Quæ Deus ipse tibi dulci sub lumine solis
 Sufficit, & fessas frugum tibi munere vires,
 Cordaque lætifico releva languentia vino,
 Jucundosque operum fructus ne linque tuorum,
 Nam dum vita manet, dum pectora spiritus urget,
 Dum fragiles vegetat morituri corporis artus
 Cunctorum hæc merces superest tibi sola laborum
 Possè laboriferæ fructum decerpere vitæ.

19. Atque ideo celsum tetigit qui culmen honoris

Rem-

Remque decusque sibi divino numine cæptis
 Adspirante suis peperit, partisque dat uti
 Posse Deus si me audierit, fugientia vitæ
 Commoda ne abjiciat, pereuntia gaudia carpat,
 Atque suorum operum dulci mercede fruatur,
 Quid? quod ab ætherio venit hoc tibi munus Olympo.
 20. Namque tibi Omnipotens emollit tristia lætis,
 Gratæque sollicitis interferit ocia curis,
 Ut possis animo durum sufferre laborem,
 Et placidos transire dies, blandamque quietem
 Carpere, jucundo cursu fugientibus annis.

C A P.

C A P. VI.

Hoc quoque Phæbæa video sub luce dolendum (tur:
 Perque hominum mortale genus commune vaga-
 2. Sunt quibus ætherii magnus Regnator Olympi
 Immenſas donavit opes, donavit honores
 Cunctaque ſucceſſu felici incæpta ſecundat
 Attamen haud partis uti, fructumque laboris
 Carpere jucundum patitur ; ſed ſurripit alter
 Quæ peperere ſibi multo ſudore ; dolenda
 Hæc plaga eſt, animi plaga immedicabilis ægri :

3. Tanta ſequuntur opes aliquando incommoda ; ſed tu
 Si bona ſumma putas longævæ tempora vitæ
 Canitiemque tibi & longos optaveris annos,
 Scilicet hinc ſperas fieri te poſſe beatum
 Falleris, & procul a vera ratione recedis.
 Siquis forte hominum ſpatioſum tranſigat ævum
 Triftis & ad tremulos ſenii pervenerit annos,
 Et ſobolem & ſobolis ſobolem poſt fata relinquat,
 Interea ſi vixit inops ſi vixit egenus
 Divitiarum, aut ſi patrio bona parta labore
 Prodigus effudit, vel avarus noluit uti
 Sponte ſibi miſeræ cumulans incommoda vitæ.
 Denique ſi in tenues abiit cum ſpiritus auras
 Funera nemo gemat lugenſve ad buſta ſequatur
 Triftia, nemo oculis abeuntem aſpexerit udis,

Fœtus

Fœtus abortivus media genitricis in alvo
 Qui periit, nunquamque oculis radiata diei
 Lumina conspexit, tali sene faustiùs exit,

4. Alter enim sensu caruit sub morte dolorum,
 Venturisque malis fuerat præreptus : At Alter

5. Opprobrium cui vita fuit, ludibria fatum
 Turpiter infelix miserabile duxerat ævum
 Inque cavum cecidit nullo plorante Sepulchrum ;
 Nomen & obscuris tenebrarum obducitur umbris.

6. Quod si quis vitam exigeret bis mille per annos
 Divitiis opibusque virens & flore juventæ
 Non tamen inde foret mortali e stirpe beatus :
 Tandem etenim tennes vanescit vita per auras
 Par levibus ventis, volucrique simillima somno :
 Atque suum, licet ipsa foret longissima, finem
 Obtinet ; in mortem pariter contendimus omnes
 Communemque domum petimus cava viscera terræ.

7, Nec minus insanis animo, si fortè labore
 Expectes aliquo vitam præstare beatam ;
 Nam labor humanus ventri se devovet omnis,
 Sed tamen haud unquam ventris furiosa cupido
 Desierit, certasque sibi præscribere metas

8. Noverit, ergo opibus quid habent, gazisque potentes
 Quo superent inopes ? namque insatiabilis ardor
 Torquet utrosque simul parilique cupidine vexat.
 Nec minus his illi miseræ mala plurima vitæ
 Perpetiuntur & in varios sine fine dolores
 Præcipitant, umbrasque avidi amplectuntur inanes,
 Nec metam tetigisse valent tam sæpe petitam,
 Cum nequeant animum satiare libidine raptum,
 Optatumque sui portum reperire laboris.
 Nec minus infelix sapiens est mentis egeno
 Obvius innumeris incertis casibus ævi
 Unde sibi nequeat veram spondere quietem.

Usque adeo studiis hominum genus undique vanis
Carpitur, & curis consumit inanibus ævum.

9. Disce hominum genus insanos compescere fluctus
Curarum atque animi motus frænare rebelles
Indomiti, & potius præsentia carpere, quam si
Heu nimis incertis inhians sine fine futuris
Turpiter amittas præsentis commoda vitæ,
Ne tibi quæ præsto est mox copia diffuat omnis
Per medias elapsa manus inopemque relinquat.

10. Quod fuit antiquis redivivum semper ab annis
Est homo, mortaliq; genus de stirpe creatum,
Et cito dejicitur lethali vulnere victus
Robore si fidens tecum Rex ætheris alti
Dimicat, atque tuis miserum caput objicit armis.

11. Quando ergo innumeris hominum gens undiq; curis
Anxia torquetur, studioq; indulget inani
Tam variis frustrata modis, delusaq; semper,
Quis sperare potest veram reperire quietem ;
Dum levis hora fugit rapido velut umbra volatu ?

12. Temporis eventus etenim Deus ipse futuri
Nocte premit, spissisq; inclusum condidit umbris
Omne sub auricomi venturum lumine Phœbi.

C A P. VII.

Qua tamen arte leves miseræ mala plurima vitæ
 Si mihi forte velis aures adhibere, docebo
 Virtutum prælustris honos & gloria clari
 Nominis unguentis pretio certantibus auro
 Præstat odoriferis & aromata dulcia vincit
 Nempe epulas inter festivaque gaudia sese
 Spargit & ambrosium latè diffundit odorem
 Unguentum, totamque domum dulcedine perflat
 Dum caput unius juchando proluit imbre
 Paulatim tamen amissa virtute fatiscit
 Dulcis odor vacuas sensimque expirat in auras
 At latè ingentem sese bona fama per orbem
 Dissipat, oblectatque suo splendore tuentes,
 Accenditque animos mira virtutis amore
 Nec moritur, sed clara viget, post funeris umbras.
 Mors quoque natali potior mihi ducitur hora.
 Nascitur ærumnis etenim gens nostra ferendis
 Pluribus & semper velut unda supervenit undam
 Noxque diem noctemque dies sine fine sequuntur,
 Sic nova præteritis superadvenientia damnis
 Exagitant mortale genus, cumulantque dolores
 Quotidie, nunquam placidæ datur hora quietis.
 Sed mors cunctorum meta est extrema malorum
 Quæ patitur gens nostra vago sub Sole; Sepulchrum

Perpetuam præbet requiem mortalibus ægris.

2. Hoc quoque crede mihi, monitus nec rejice nostros:
 Funereas spectare faces, lachrymosaque busta,
 Vultusque exanimés, oculosque in morte natantes,
 Est longè utilius, quam si conviva recumbas
 Inter plena meri redimitus pocula fertis.
 Quid? quod in alterius tendens tua lumina finem,
 Discis adesse tuum, properoque accurrere gressu,
 Communemque tibi moriendi incumbere sortem.
 Hoc tibi calcar erit venienti occurrere fato
 Instimulans, ut cum moribundos deserit artus
 Corporis, atque suo coram se iudice sistit
 Spiritus, æterni superet radiantia mundi
 Mœnia, nec miseras Erebi descendat ad umbras.

3. Sic quoque sedato conceptus pectore mæror
 Pro scelere admissio, sceleris quoque causa futuri
 Tristitia est potior risu stolidisque cachinnis.
 Talis enim in vultu residens dolor efficit intus,
 Cor melius, vanasque abigit de pectore curas
 Quæ falsa specie multos & inanibus umbris
 Alliciunt, rectoque trahunt a tramite gressum.

4. Pectora prudentum non sunt aliena dolori,
 Crimina nam commissa gemunt, & omissa tremiscunt
 Officia, observantque suum canto pede gressum,
 Perfunduntque suos lachrymarum flumine lapsus;
 Signaque divini trepidant prævisa furoris,
 Et vitare parant lachrymis precibusque profusis.
 Pectora stultorum stolidis sunt dedita semper
 Atque addicta joci vitæ secura futura,
 (O stupor!) & vana tempus pretiosius auro
 Læticia ludisque terunt, mærore fugato.

5. Est satius monitus sapientum audire salubres,
 Quamvis increpitent vocum asperitate proterva,
 Quam parasitorum blandæ confidere linguæ,

Fistula dulce canit, volucrem dum decipit auceps.

6. Spicarum en veluti costis undantis aheni
Subdita congeries flammarum luce corusca
Fulget, & ingenti strepitu ferit aera, sed mox
Flamma simul strepitusque perit; sic gaudia stulti
Ora auresque trahunt hominum, mox lapsa per auras
Diffugiunt, & nulla sui vestigia linquunt.
O fluxa O brevis & subito peritura voluptas.

7. Si jaceat sapiens nimio sub pondere pressus
Deficit atque labat sapientia pectoris illi,
Et dolor in rabidas cogit prorumpere voces
Præcipitemque nequit frænis inhibere furorem;
Sic quoque prudentes alienant munera, nec non
Fascinat ingenium grati spes blanda lucelli,
Qualibet usque adeo lucri bonus est odor ex re.

8. Ergo in propositam contendas lumina metam
Quam petis, atque animo nunquam impatiente malorum
Quære fugam, nec flecte gradus a tramite recto
Casibus oppressus duris & sorte maligna:
Nec tibi blanditiis imponant munera vanis,
Seductosque trahant scelerum per devia gressus:
Impatiens animo domini qui iussa relinquit,
Sorte premente; solum cupiens relevare dolorem
Aggravat; at certe tandem mihi crede videbis
Optatum patientem animo contingere finem:
Quosque in principio tristi sub corde dolores
Pertulit, eventos felix pensabit abundè.

9. Præcipientes iras inhibe moderamine certo,
Ira odium generans stultorum in corde quiescit.

10. Tu quoque divinum caveas reprehendere numen,
Talia vaniloqua fundens dictæria lingua:
Sæcula præteritis cur non præsentia sæclis
Æqua fluunt? sortemque magis patiuntur iniquam?
Aut cur præterita fuerat pars optima vitæ?

Nunc

Nunc fato sequiore fruor? si talia quæris,
 Stultus es, & procul a vera ratione recedis:
 Ergo absisite Deum flecti sperare querendo;
 Consiliis Deus ipse suis nam cuncta gubernat
 Quæcunque in tota mundi regione geruntur,
 Optatumque facit sanctos contingere finem
 Quamlibet innumeris pateant aliquando periclis.

11. Plurima juncta opibus nostræ sapientia vitæ
 Commoda fert secum quicumque instructus utroque est,
 Incola Phæbæo positi sub sydere mundi
 Dulcem & frugiferam poterit traducere vitam.
 Atque sui memores alios præstare merendo
 Hoc facit ut patriæ sit idoneus, utilis agris,
 Utilis & bellorum & pacis rebus agendis.

12. Quippe salutiferi tutam munimine scuti
 Protegit humanam mentis sapientia vitam;
 Sic quoque præstat idem nummorum copia præsens.
 Attamen hoc æqua sibi plus sapientia parte
 Vendicat, interitum nequeunt avertere tristem
 Divitiæ, duræque manum depellere mortis;
 At sibi devotis sapientia vera timorque
 Numinis ætherii felicem in sæcula vitam
 Perpetuat mortisque gravi de lege triumphat

13. Inclyta facta dei, nota qui temperat Orbem,
 Cerne oculis; ecquis curvum quod reddidit ille
 Corrigit? Illius nam legibus omnia parent.
 Ergo illius opus reprehendere velle caveto
 Quandoquidem tibi nil poteris prodesse querendo
 Nec fletu aut lachrymis divinam vertere mentem.

14. Si tua processus habeat fortuna secundos
 Lætus & exultans præsentibus utere rebus
 Quæ tibi suppeditat cæli indulgentia; sed cum
 Per mare nimbosum turbantibus æquora ventis
 Carbasa terrificis tua sunt agitata procellis

Attento perpende animo quæ causa tumentes
 Excierit fluctus, pontumque armaverit ira.
 An scelus admissis aliquod spatietur habenis
 In te regna tenens, an amor furiosus habendi,
 An vana ambitio, aut carnis scelerata libido ?
 Hoc vigil inquire, & quærendo detege crimen,
 Detectumque fatere deo, passusque relinque.
 Nec minus intentis oculis circumspice, tutum
 Qua ratione queas reperire ac tangere portum :
 Commoda in ambiguis tibi cura hæc utraque rebus.
 Hoc quoque perpensum memori tu mente teneto :
 Sortem utramque deus vario discrimine mistam
 Temperat, ut nequeant mortali semine crêti
 Eventura sibi certis prænoscere signis.

15. Omnia quæ eveniunt nitido sub Sole notavi,
 Invida vita licet spatiis me incluserit arctis :
 Est qui iustitiam sequitur, mentemque manumque
 Criminis immunem retinet ; sed cæsus iniquæ
 Victima fortunæ cadit : est qui sanguine dextram
 Polluit, & vitiis totus scatet undique fœdis,
 Et tamen ille trahit longævæ ad fera senectæ
 Tempora sepositam procul omni à turbine vitam.

16. Ergo tibi puro cum religionis amore
 Callida juncta regat vitam prudentia, zelo
 Sit cautela comes, serpens te admixta columbæ
 Servet ab innumeris salvâ pietate periclis :
 Nam sæpe ipsa suam probitas temeraria vitam
 Abjicit, acceleratque sibi male provida mortem :
 Nec falsa illusit pietatis imagine, vires
 Destruere corporeas, animive infringe vigorem,
 Nec nimio sermone sacrum tu numen adora ;
 Cordis enim cernens penetralia Rector Olympi
 Non prece prolixa capitur, sed pectore puro
 Et gemitu & lachrymis contrito corde profusus.

17. Ne tamen impietas laxis grassetur habenis,
 Dum trahis in pejus sensu mea verba sinistro
 O homo stulte cave; pariter mentemque manumque
 Sordibus a scelerum vacuum servare memento;
 Ne mereare oculis fieri spectacula cunctis
 Tristia carnificis dextra trabe nexus ab alta:
 Neve ardore gulæ rapidove cupidinis æstu
 Quanquam haud sponte tibi properes abrumpere vitam;
 Aut etiam scelerum furiis agitatus acerbis
 Occultum quatiente animo tortore flagellum
 Sponte tua proprio fodias tibi pectora ferro.

18. Utile consilium tibi nunc, mihi crede ministro.
 Hinc ne averte gradum, monitus nec rejice nostros,
 Inter utrumque tene, medio tutissimus ibis,
 Nam sincera dei reverentia, firma salutis
 Anchora & humanæ statio tutissima vitæ
 Hæc docet; hoc fixum statuunt in tramite gressum,
 Qui castè pia sacra colunt errore relicto.

19. Plus homini longe sapientia roboris addit
 Confirmatque animum cunctis in rebus agendis
 Denorum quam turba virum fulgentibus armis
 Ardua turrigeri tutans fastigia muri.
 Hæc facit ut raro titubet vestigia lapsu;
 Hæc facit ut labens iterumque iterumque resurgat.

20. Nam lapsus vitare nequit, nec criminis expers
 Ullus in orbe suam potis est traducere vitam;
 Sed minimum peccant quibus est sapientia custos,
 Directrixque operum conservatrixque suorum
 Illa salutiferæ monstrat compendia vitæ.

21. Ne nimis attentas da verbis omnibus aures
 Sicubi quis tacitis loquitur secreta susurris,
 Ne forte ipse tuum famulum tibi dira precantem
 Deprendas, rabidoque animum rapiare furore.
 Sæpe modo simili tua te mens conscia novit

Devovisse alios & eodem crimine daminat,
Cur aliorum ergo in vitlis tam cernis acutum ?

23. Cuncta hæc ipse equidem studio prudente notavi :
Tunc ego celsa tuæ, dixi, sapientia sedis
Culmina contingam : Sed me mens vana fefellit.

24. Quis reperire tuam potis est indagine sedem,
Tam vastis hominum spatiis quæ gente remota es ?

25. Sed licet obscuris lateant tot clausa sub umbris,
Non tamen abjicio mentem studiumve relinquo,
Nobilitas generosa animi non fracta labori
Succubuit, cessitve malis ; mysteria rerum
Pergit & occultas avide perquirere causas
Quantaque stultorum teneat vesania mentes
Inflammetque animos diro impietatis amore.

26. Tum vero inventum est aliquid mihi morte vel ipsa
Fellis habere magis ; mulier quæ subdola corde est
Blanditiisque suis juvenili retia turbæ
Sternit & in laqueos miserum seducit amantem,
Seductumque capit, captum quoque detinet : illam
Effugiet, cujus domini reverentia pectus
Incolit, ast illi sceleratus præda futura est.
Hunc meritricis amor vinculis constringit ahenis,
Stultaque mellifluis captivat pectora dicis.

27. Hoc quoque compertum est scrutanti singula rerum
Lustrantique oculis passim mortalia fixis

28. Ut numerum reperire queam, quem quærere peristo
(Dixerat admonitor) sed adhuc mens nescia veri
Hæret, & ambiguo trepidat sententia motu,
Unum in mille viris aliquem quandoque notavi
Pectore sincerum & veræ pietatis amantem ;
Sed non fæmineæ mihi tanto ex agmine turbæ
Unica visa fuit sincera prædita mente
Intima corda gerens blandæ conformia linguæ.

29. Non possum innumeras scelerum comprehendere formas,

Ne-

Nequitiaque modos varios fraudisque malignæ
 Hoc certe humanæ vincit molimina mentis.
 Qua tamen hæc prima veniant ab origine nostros
 Eminent ante oculos manifesto in lumine, sexum
 Fecit utrumque deus rectumque & crimine purum :
 Ambo tamen subito recto de tramite gressus
 Deflexere suos stygio serpentis ab astu
 Seducti, legemque dei sprevere verendam
 Dumque umbras avidè stulti amplectuntur inanes
 Se miseri stirpemque suam serosque nepotes
 Prolapsi subita simul involvère ruina.

D 4

C A P:

C A P. VIII.

AN tibi pergratum est, si plebs tibi vertice prono
 Dicat ave, & supplex dominum te voce salutet ;
 Aspectus venerata tuos, vultumque verendum ?
 Tunc fac vera tuam decoret sapientia mentem
 Qua justum & rectum a pravo discernere possis ;
 Pectora cælestis sapientia si colat, illinc
 Manat in externos decor & reverentia vultus,
 Exornatque humilis frontem veneranda quiritis
 Gratia, regalemque oculis infundit honorem.

2. Hoc quoque, quod moneo, memori tu mente teneto :
 Consilium ne sperne meum : Parere memento
 Regibus, & leges augustas juraque serva,
 Quando voluntati divinæ haud dissona constant.
 Hoc jubet, hoc mandat, violatorique minatur
 Sydereo lex missa polo, Dux unica vitæ,
 Cui tua perpetuo lingua est obnoxia voto
 Jurandoque tuum caput obstrinxisse fateris.

3. Hinc vero utilitas ipsi tibi provenit ingens :
 Hac ratione queas securam ducere vitam
 Immunemque malis : nam cum Rex voce tremenda
 Intonat, & rabidæ jaculatur fulmina linguæ,
 Cum fremit irarumque omnes effundit habenas,

4. Facta puta quæcunque jubet ; si dixerit olim
 Præcipites famuli rapite hunc, cruciatæque duris

Corpora tormentis stygiæ demittite morti ;
 Protinus hi faciunt, stat pro ratione voluntas
 Dictaque pondus habent, ubi dirum ac triste minatur.
 Ecquis enim Regem increpitet, sic ora resolvens ?
 Quid facis ? heus rabidum frænis inhibere furorem
 Incipe, cur tumidas adeo exardescis in iras ?

5. Tutus aget vitam procul omni a turbine, quisquis
 Mandatis facilem dederit regalibus aurem.

Cautus enim sapiens distinguit tempora rerum
 Nec temere ille caput Regalibus obicit armis
 Cum Regi pariterque deo parere licebit

Regna nec ætherio pugnant pereuntia Regno,

6. Non tamen usque adeo duros sapientia casus
 Effugit, at miseræ patitur mala plurima vitæ.

7. Quippe eventa latent densis obfessa tenebris :

Nescia mens hominum fati sortisque futuræ

Per præceps, per acuta ruit moderamine nullo

Nec ventura oculis potis est discernere lippis.

Ecquis enim valeat certis prædicere signis

Quæ fugiunt fragilem sub nocte latentia visum ?

8. Hæc quoque communis pariter fors omnia miscet :

Morte pari rapitur, similique occumbere fato

Cogitur in folio residens Rex ipse superbo

Et pauper medio residens in stercore : turre

Augustas tenuesque casas discrimine nullo

Pallida mors populat, mors sceptrâ ligonibus æquat :

Copia nulla fugæ : nec signa relinquere fas est,

Hæc ubi bella vocant : fraudis scelerumque ministri

Nequitia qui cuncta suæ fore prona putabant,

Non tamen eludent rigidi jus triste sepulchri

Retia terribilis nequeunt evadere mortis.

9. Hæc ego rimando nitidi sub lumine solis

Omnia perspexi persæpe ad culmina rerum

Injustis crevisse datur : rapiuntque feruntque

Innocuos, ferroque necant vel fraude ; sed illos
Exitium crudele manet : tolluntur in altum

10. Ut lapsu graviore ruant : persæpe tribunal
Impius ascendit, quod asylum dulce piorum
Debuerat fieri ; tunc vi gerit omnia passim,
Commaculatque suam justorum sanguine dextram :
Sub pedibus jus fasque premit violentia, donec
Lethifera mors atra manu sine fine furentem
Corripiat, scelerique modum sic ponat ; at ille
Protinus æternis fato rapiente tenebris
Obruitur, longaque jacet sub nocte Sepultus.
Turbator gravis ille jacet quem cuncta tremebant :
O servare modum dominandi ignara cupido !
O vana O fragilis perituri gloria sceptri !

11. Nempe quod haud subito culpam sua pœna coercet,
Justitiæ quod signa suæ plectendo scelestos
Rara dat Omnipotens magni Dominator Olympi ;
Propterea gens cæca hominum violenter in omnem
Nequitiam sine lege ruit ; se accingit ad omne
Flagitium, laxisque furens bacchatur habenis
Illa, nec æternam sibi pœnam instare tremiscit.

12. Ne tamen hoc viso pietas labefacta fatiscat
Demittatve animum, sed spe caput erigat altum.
Namque impune licet multos exegerit annos
Impius absque metu, centenaque crimina nullo
Vindice perficiat, scelerumque in sorde senescat :
Felix ille tamen domini qui numen adorat
Et Domini pia jura colit legesque verendas :
Post mortem nam corporeis mens libera vinclis
Scandet in ætherii radiata palatia Cæli.

13. At minimè fælix erit impius, illius ævum
Effugiet rapido veluti levis umbra volatu
Tum vero in stygias mox præcipitabitur umbras.
Hic sine fine luet sceleratæ crimina vitæ,

Hic lachrymas sine fine dabit sine fine dolebit,
Extendetque suos sacclorum in sæcula fletus.

14. Ergo animis vos este bonis qui pectore puro
Numen adoratis domini, nec corda dolore
Fracta cadant, durisque negent succumbere rebus
Quamlibet adversas moveat fortuna procellas.
Sæpe etenim in positis sub solis lumine terris
Pressa jacet pietas, variisque obnoxia damnis :
Et contra impietas blandæ super æquora vecta
Prosperitatis agit vitam sine nube serenam,
Sed cito in aerios volat illa evanida ventos.

15. Nunc igitur monitis animos advertito nostris,
Ecquid enim potero melius suadere monendo?
Quicumque haud ficto veneraris pectore numen
Incola phæbæo positi sub sydere mundi,
Accipe cum liquido cerealia munera vino :
Arripe dum fas est pereuntis commoda vitæ
Lætus & exultans animo : fugientia prompta
Gaudia carpe manu, cælestibus utere donis
Dum licet, extemplo fugit irrevocabile tempus.

16. Nam juvat insanos animi compescere fluctus
Æternique Patris nullum reprehendere factum,
Quanquam adversa bonis aliquando & læta scelestis
Obveniant sub utroque polo degentibus ; ipse
Ipse ego syderei lustrabam facta Tonantis,
Facta per immensum peragit quæ singula mundum.
Hoc studio traduco diem, traduco tenebras
Pervigil & placido caruerunt lumina somno.

17. Non tamen illorum abstrusas indagine causas
Detego, nec video densis obsessa tenebris
Divini consulta animi quo tendere pergant.
Tu vero reverere Deum, quem prendere nescis
Nec modulo metire tuo, qui numine sancto
Unicus æternas orbis moderatur habenas

Arbitrioque suo mortalia cuncta gubernat.
Non potes illius sensus aperire repostos,
Scilicet hanc vastam ingenio qui tentat abyssum
Oceani metitur aquas ; quin mente sagaci
Præditus, huc penetrare parans spem nutrit inanem.
Nempe licet socias labor & sapientia vires
Contulerint, arcana Dei referare nequibunt
Abdita, nec tenebris poterunt educere cæcis.

C A P.

5

C A P. I X.

HÆC ego sollicitâ lustravi singula curâ
 Ut monstrarem aliis, tenebrisque exerta docerem:
 Nempe quod immunes scelerum, fraudisque pu-
 Et vera pietate graves, duce numine cunctas (dendæ
 Res peragunt, pacemque gerunt & prælia clavum
 Divinâ retinente manu, circumque gerente.
 Nec tamen inde licet certis cognoscere signis
 Quem Pater Omnipotens miro dignatur amore,
 Prosequiturve odio; pariter sic omnia passim
 Omnibus eveniunt: pariter pravumque piumque
 Infonem fontemque, immundum & crimine purum
 Cultoremque Dei contemptoremque perennis
 Nunc fors dura premit, vultu modo læta benigno
 Respicit ac dubiis venit & fugit improba pennis.
 Impius & pietatis amans, nomenque verendum
 Qui temerare Dei metuit, quique ore profanat,
 Lumine dum vitæ fruitur mortalis, uterque
 Nunc mærore gravi premitur, nunc pectore læto est,
 Obvius ambiguis incerti casibus ævi.

3. O hominum vita infelix! O subdita duris
 Vita malis, quam nos agimus sub lampade Phæbi,
 Injustos justosque locans discrimine nullo!
 Impius atque pius parili nunc sorte fruuntur,
 Atque idcirco caput tollens impune vagatur

Gens vesana hominum, scelerumque libidine rapti
 Nequitiae dant fræna suæ, dant fræna furori
 Dum lux alma manet : tandem in cava busta trahuntur
 Tum demum gelida taciturna in sede quiescunt :
 Quis furor iste fuit sceleratam ducere vitam,
 Quæ subito aufugiens miseros inopesque reliquit !
 Jamque jacent, nec spe sortis melioris aluntur.

4. Quisquis enim vivos inter vitalibus auris
 Vescitur, in duris sibi læta ac dulcia rebus
 Eventura patans animum spe sustinet ægrum,
 Maxima sollicitæ sunt hæc solamina vitæ
 Nam canis exanimum præcellit viva leonem.

5. Quisquis enim fruitur vitali lumine, mortem
 Jam jam instare videns, venienti occurrere fato
 Ille parare potest ; ut cum sua membra reliquit
 Spiritus ætheriam scandat novus incola sedem,
 Angelico plaudente choro ; non corpore functæ
 Hoc præstare valent animæ ; nec quicquid in orbe
 Humano geritur norunt, nec noscere curant :
 Mercedem exacti nitido sub sole laboris
 Jam tulerant ; spes nulla aliud mercedis habendi.

6. Horum fama etiam sociorum e mentibus omnis
 Exulat, horum etiam mærores, gaudia, livor
 Blandus amor, flagrans odium cum flamine vitæ
 Cuncta simul tenues abeunt fugitiva per auras.
 Ne rerum aurato nitidi sub lumine Phæbi
 Gestarum hinc ullam datur his attingere partem.

7. Quid facias igitur ? bona tu pereuntia capta
 Dum finit hora fugax : reparent, cerealia vires
 Munera, lætificum relevet tibi pectora vinum.
 Hoc decet ætheri probat hoc dominator Olympi.

8. Unguenta exhilarent caput & tibi corpora cingat
 Vestis hyperboreas imitans candore pruinas.

9. Cum consorte tori, dulci cum conjuge lætus

Exige sepositis ævum irreparabile curis ;
 Dum fragilis tibi vita manet sub lumine Phæbi,
 Dum fragilis tibi vita manet, Regnator Olympi
 Quam tribuit ; merces etenim tibi sola laboris
 Illa datur nitidi rutilo sub lumine Phæbi.

10. Quod tibi contingit faciendum, hoc perface totis
 Viribus ; Ah ! gelido tua quo via ducit in antro
 Ingenii fax nulla micat, sapiertia nullum
 Præstat opus, nullosque parit solentia fructus.

11. Hoc quoque conspexi rutila sub lampade Phæbi
 Non semper celer in cursu, nec fortis in armis
 Victor abit, lauroque caput victrice coronat
 Nec semper sapiens incommoda pellere novit
 Importuna famis, nec acervos mente sagaci
 Nummorum accumulât, opibus nec semper abundat ;
 Nec bene promeritos sectatur gratia cunctos
 Tam dubiâ subnixa rota fors omnia versat.

12. Nescia gens hominum fati sortisque futura
 Squaniger incautis ut cum secât æquora pinnis
 Armatos rapit ore cibos ; ærique recurvo
 Fixus abire fuga nescit, pendetque præhensus.
 Et velut ex alto volucris levis æthere penna
 Remige fertur, & in solida vestigia terra
 Cum posuit, laqueos cito præcipitatur in arctos ;
 Sic cito gens hominum venturi improvida duris
 Illaqueata malis hæret : fuga nulla malorum est.

13. Hæc quoque conspecta est oculis sapientia nostris
 Auricomæ sub luce facis, sapientia nostro

14. Ingens visa animo : fuit urbs tenuissima paucis
 Culta viris ; nullis instructa paratibus : Hanc Rex
 Maximus innumeris equitum peditumque petebat
 Agminibus, densaque illam obsidione premebat :

15. Hic pauper tamen unus erat. cui, quamlibet effet
 Res angusta domi, longè tamen omnibus unus

Ingenii virtute sui præluxerat ; ille
 Confiliis urbem prudentibus eruit ; at non
 Urbs illi acceptam referebat grata salutem,
 Nec lauro & meritis redimibat tempora fertis.

16. His ego conspectis, dixi, sapientia præstat
 Viribus, at pauper sapiens contemnitur ; ejus
 Verba abjecta jacent ; placidamque his abnuit aurem
 Dives agris, dives positus in sænore nummis.

17. Si tamen illius placido quis pectore verbis
 Intentaque piis monitis se præbeat aure,
 Hunc magis alliciet placido vox illa susurro,
 Murmura quam stolidæ latè resonantia linguæ :

18. Et magis hostiles frangit sapientia vires
 Fortia quam nitido radiata hastilia ferro :
 Sed tamen unius vitio quandoque scelesti
 Fabrica, quam docta sapientia condidit arte
 Destruitur, subitamque trahit convulsa ruinam.

C A P. X.

Sicut ab exanimis mutantur aromata muscis
 Artifici composita manu, dulcedine captæ
 Suavibus unguentis cum immersa cadavera linquunt
 Ac liquidî fœtore gravi fœdantur odores.
 Sic quoque stultitiæ minimum, sapientia claros
 Quos facit, exiguæ maculatos crimine labis
 Dedecorat, celebres nebulis obducit honores.

2. Vir sapiens peragit fœliciter omnia ; sed qui
 Mentis inops res aggreditur facit omnia præve,
 Successuque carent acti sine mente labores.

3. In mediis ubicunque viis malefânus oberrat
 Stultus, & in plateis vestigia figit apertis
 Stultitiam celare nequit : manuumque pedumque
 Motibus hæc oculis manifesta est undique cunctis
 Nec minus hanc prodit turbati insania vultus.

4. Ira magistratus ubi te premit aspera, nunquam
 Officio discede tuo ; sed læsus ab illo
 Fer patiente animo rabidas patientia mentes
 Lenit, & horribilem vinclis premit illa furorem.

5. Hoc quoque spectandum nitidi fax aurea mundi
 Luminibus nostris dederat miserabile ; sed quod
 Fluxit ab insani stulto moderamine Regis :

6. Stultitia excelsum conscendit culmen honoris
 Dejiciturque gradu sapientia : Lumina sæpe

7. Hoc mea viderunt fieri, per rura, per urbes
 Mentis inops magna famulûm stipante caterva
 Quadrijugis investus equis in se ora trahebat
 Undique spectantis populi, dum divite juxta
 Præditus ingenio quia sola pecunia defuit,
 Solus inopisque suum, comitante satellite nullo
 Carpit iter, spretoque premit vestigia gressu.

8. Qui puteum fodit, alterius qui retia vitæ
 Clam struit, ille sibi interitum parat ipse, suisque
 Implicitus laqueis, nullo auxiliante jacebit.
 Qui vero irriguos septum perrumpit in hortos
 Per scelus atque nefas, rabido mox dente petetur
 Serpentis media taciti latitantis in herbâ.

9. Saxa loco quicumque movet, lædetur ab illis,
 Nec facile evadit, findit qui ligna securi
 Quin ictu sua crura petat, sibi vulnera figat.
 Sic aliis nocumenta parans sibi noxius ipse est ;
 Sic & amicitias alienas rumpere quisquis
 Tentat, sese odiis aliorum exponit acerbis.

10. Si tibi ferri acies viduatur acumine ; nec tu
 Hanc reparas, tritoque facis juvenescere saxo,
 Quid tibi restat adhuc ? tunc vi majore securim
 Imprime, tunc geminas plagæ superaddito vires :
 Sic tibi si ingenii vel opum sit parva facultas
 Quod deest ingenii vel opum, ne cæpta relinquant,
 Hoc labor assiduus duplicataque cura rependat.
 Hoc docet innumeris quæ se sapientiâ rebus
 Didit, & ad varios variè se accommodat usus.

11. Dira veneficii serpens licet inscia, membris
 Vulnera tabifico figit lethalia morsu :
 Haud aliter lethum dat inevitabile sævo
 Vulnere garrulitas rabidæ temeraria linguæ.

12. Sicut enim sapiens recto moderamine linguæ
 Utilis ipse sibi est, aliis quoque multa ministrat

Commoda, sic stultus frænis inhibere loquelam
 Nescius ingentes aliisque sibi que dolores
 Parturit, at vero imprimis sibi noxius ipse est,
 Obrutus ipse suæ perit ille voragine lingue.

13. Stultitiam effutit, fari simul incipit, at cum
 Progreditur sermonis iter ; prorumpit in omne
 Flagitium, laxisque furens bacchatur habenis.

14. Mos quoque stultorum est multas effundere voces
 Verbaque vaniloqua cumulare improvida lingua ;
 Speque futurorum stolido sibi pectore plaudunt
 Ambigua cum nemo sciat mortalis in orbe
 Quid ferat hora sequens, latitant sub nocte futura,
 Ecquis enim tenebris valet hæc educere cæcis ?

15. Stultorum genus incassum frustra que laborat
 Semper & in curis consumit inanibus ævum,
 Nam veram quærendo nequit reperire quietem.

16. Væ tibi terra tuas ubi Rex qui tractat habenas
 Est puer, indulgentque gulæ, qui jura ministrant,
 Manè ubi sol liquidis primum caput exerit undis.

17. Fælix terra tuas ubi Rex qui tractat habenas
 Regali ingenio est, & qui tui jura ministrant
 Officii nunquam immemores ubi munia regni
 Sunt obeunda cibus onerant sua membra, sed apto
 Tempore discumbunt epulis & corpora duris
 Fessa ministeriis mulcent reparantque labori
 Non ut luxuriæ laxentur fræna pudendæ,
 Viribus at vegeti præscripta ad munia surgant.

18. Paulatim occultis, domino torpente, ruinis
 Tecta cadunt, luit has merito socordia pœnas,
 Atque minutatim terræ dilapsa recumbunt.

19. Festivis sunt apta jocis convivia, vinum
 Cor levat, at solus respondet ad omnia nummus,
 Solus & ad cunctos pariter se accommodat usus.

20. Sacrilegis clauso lacerare in pectore verbis

Illum, qui diadema gerit regale caveto,
 Aut vomere in proceres rabidæ mala toxica linguae
 Interiore domus residens in sede ; hominum gens
 Si tacet, aëriæ referent tua verba volucres,
 Ad pœnam aligero populo prodente traheris.

C A P.

C A P. XI.

NE dubita liquidis panem committere lymphis
 Post multos redit ille dies cum fenore multo
 Non quæ præteritis vidit benefacta diebus
 Omnipotens, neglecta jacent, nec fruge carebunt,
 Nec qui sydereum precibus pulsavit olympum
 Pectore contritus vacuus mercede manebit,
 Sera licet veniat, veniet, mihi credito tandem.

2. Munificas memor esto manus extendere septem
 Pauperibus, nec tu veniat si octavus ad ædes
 Forte tuas, occlude fores, inopemve remitte
 Scilicet humanæ fugiunt te incommoda vitæ
 Plurima, quæ variis adeo est obnoxia damnis
 Et tantum in levitate sua constare videtur.

3. Nubila se in liquidas solvunt prægantia guttas,
 Lataque lætifico perfundunt arva rigatu
 Tu quoque, ut a mutis capias documenta magistris,
 Nubis ad exemplum gravis, quæ sponte liquentes
 Prodigæ fundit aquas sitibundæ in guttura terre,
 Dives opum sis largus opis, nec durus egenum
 Rejice, sed miseros aliorum respice casus,
 Respectos miserare animo, miseranque coruscum
 E loculis Deprome tuis, ac sparge metallum
 In viduas, vetulos, puerosque parentibus orbos.
 Hoc decet, hunc æquum est mortali insistere callem:

Illum, qui diadema gerit regale caveto,
 Aut vomere in proceres rabidæ mala toxica linguae
 Interiore domus residens in sede ; hominum gens
 Si tacet, aëriæ referent tua verba volucres,
 Ad pœnam aligero populo prodente traheris.

C A P.

C A P. XI.

NE dubita liquidis panem committere lymphis
 Post multos redit ille dies cum fenore multo:
 Non quæ præteritis vidit benefacta diebus
 Omnipotens, neglecta jacent, nec fruge carebunt.
 Nec qui sydereum precibus pulsavit olympum
 Pectore contritus vacuus mercede manebit,
 Sera licet veniat, veniet, mihi credito tandem.

2. Munificas memor esto manus extendere septem
 Pauperibus, nec tu veniat si octavus ad ædes
 Forte tuas, occlude fores, inopemve remitte:
 Scilicet humanæ fugiunt te incommoda vitæ
 Plurima, quæ variis adeo est obnoxia damnis
 Et tantum in levitate sua constare videtur.

3. Nubila se in liquidas solvunt præstantia guttas,
 Lataque lætifico perfundunt arva rigatu:
 Tu quoque, ut a mutis capias documenta magistris,
 Nubis ad exemplum gravis, quæ sponte liquentes
 Prodigæ fundit aquas sitibundæ in guttura terre,
 Dives opum sis largus opis, nec durus egenum
 Rejice, sed miseros aliorum respice casus,
 Respectos miserare animo, miseransque coruscum
 E loculis Deprome tuis, ac sparge metallum
 In viduas, vetulos, puerosque parentibus orbos.
 Hoc decet, hunc æquum est mortali insistere callem:

Indomitas nam sæva manus mors omnibus æquè
 Injicit, & pariter dites inopesque præhensos
 Arripit, & mæstas Erebi detrudit ad umbras.
 Hic sua quemque manet merces, prout vita peracta est,
 Præmia digna bonis veniunt hic, pœna scelestis
 Debita cum sævo fati illachrymabilis ense
 Procubuerè, velut quercus cum cæsa securi
 Congemuit, traxitque jugis avulsa ruinam
 Sive cadat tepidos frondenti vertice in austros
 Seu cadat in Scythici Borealia frigora ponti,
 Qua cadit illa manet; nec sese attollit in altum
 Rursus & in solito pandit sua brachia trunco.

4. Qui metuit ventos non audet semina terræ
 Credere, nec referet mensem lætatus opimam
 Qui timet intriseri minitanti nubila Cæli,

5. Qua ratione animus teneros infantis in artus
 Inlinuatus eat, seseque per omnia spargat
 Membra sua, sed humani sagiat spectacula visus
 Te latet hoc, hoc te minus hoc latet ossa tenella
 Qua ratione summi media genitricis in alvo
 Nutrimentum habebant, sensimque incrementa pergant
 Atque minutum prægnantis viscera tendant:
 Sic quoque divina tibi facta ingentia dextra
 Sunt ignota; si tuæ solum hæc lumina mentis:
 Non potes hæc oculis penetrare impervia sippis.

6. Exoriente die sementem credere terræ
 Incipe, nec liquidas ubi sol descendit in undas,
 Desine, quis poterit vertis prædicere signis
 An tibi nocturnus labor, an tibi forte diurnus
 Ex voto cessurus erit, vel forsân utrumque?

7. Lux oculos splendore rapit, lux aurea Phæbi
 Pellicit humanos animos, & pectora palpat

8. Letitia; sed tu spatiosa tempore vita
 Si frueris, longumque trahis feliciter ævum

Donec

Donec ad occiduae venias extrema senectæ,
 Mente tamen reputa longæ venientia noctis
 Tempora, sub gelido tibi traducenda sepulchro.
 Nil nisi quod prorsus vanum est tibi vita ministrat.

9. Lætitia exulta juvenis juvenilibus annis,
 Et tua sepositis hilarentur pectora curis ;
 Carpe voluptates varias genioque libenter
 Gratificare tuo : nulla dulcedine, nullis
 Illecebris quascunque oculis animoque requiris
 Abstineas; at mista tamen sint særia lætis ;
 Judicis ad magni tandem rapière tribunal :

10. Ergo absiste animum studiis corrumpere pravis,
 Nec tua flagitiis maculentur membra pudendis,
 Namque juventa fugax rapido volat ocyor Euro.

C A P. XII.

Altoris memor esto tui jam in flore juventæ
 Purpureo firmata suis dum corpora nervis
 Sana vigent solidæque suo stant robore vires.
 Dum tibi tempus abest tristis lugubre senectæ
 Dum tibi decrepitæ procul absunt tædia vitæ
 Lingua nec in miseras senii languore querelas
 Solvitur, ah ! cur fata gradum tardata morantur ?
 Hei mihi ! vivendi quod adest jam nulla voluptas.

2. Dum tibi luna suum referunt fraterque nitorem
 Nocturnæ nec flamma facis, nec flamma diurnæ,
 Astraque fuscantur nitidos caligine vultus ;
 Nubila nec pluviis redeunt tenebrosa fugatis.

3. Scilicet occidui in duris languoribus ævi
 Custodes quis cura domus commissa tuendæ
 Debilitate simul gelidoque horrore tremiscent.

Atque

Atque viri curvos validi flectentur in arcus,
Versantesque molam numero pereunte suorum
Abfissent assueto operi : tenebrisque tegentur
Qui geminum geminis caput exeruere fenestris.

4. Cunctaque per plateas claudentur limina cunctas
Dum sonat exiguo mola circumflexa susurro
Mollis & ex oculis pariter cum voce volucris
Cristatæ sopor aufugiet, corpusque monebit
Inviso relevare toro ; tenuique crepabunt
Murmure suavissonæ labefacta voce puellæ.

5. Tunc miseris quodcunque vident sublime timorem
Injiciet, terrorque viam spargetur in omnem
Fervida cum rapidos circumvehit ungula currus.
Tum grave vel minimam fuerit portare cicadam,
Atque cupido animum solitus stimulare relinquet.
Jamque domum genitus mortali e stirpe perennis
Ingreditur, plateasque tegunt pia turba dolentum,
Exanimum comitans ad tristia busta cadaver,
Et luteam gelido massam impositura sepulchro.

6. Autorem ergo tuum colito nunc, dum tibi dulcis
Vita manet, nec dum nivei compago metalli
Jacundo religans animam cum corpore nexu
Solvitur ; atque leves penitus vanescit in auras :
Nec globus ille oleum vitæ lampadi subdens
Aureus, assiduo contorquens vortice flumen
Sanguinis & liquidum faciens in corpore gyrum
Rumpitur ut nequeat solitos iterare recursum.
Nec fracta est medio fontis salientis in alveo
Urna, nec ut liquidas rota flexilis extrahit undas

7. Cisterna. Cinis in cinerem tunc versus abibit ;
Tum vero æthereum repetet mens ipsa parentem
Unde ortus tulit illa suos : ut præmia vitæ
Digna ferat post fata suæ ; sedemque tenebit

Sydercam, aut stygias fugiet damnata sub umbras

8. O curas hominum ! O quantum est in rebus inane !
(Sic pius admonitor clamat) nil præter inane

9. Mundus habet ; pius admonitor, quia mente sagaci
Præditus ipse fuit, populum præclara docebat
Plurima, constanterque pio sermone monebat.
Multaque collegit vigili proverbialia cura
Solerti intentus studio, collecta locavit

10. Ordine cuncta suo : Quin & lectissima verba
Quæsit, quæsit typis mandavit ut omnes
Justitiam rectique viam servare doceret.

11. Assimilare queas sapientum dicta flagellis
Vitare errores rectumque capessere callem
Instimulant ; clavos referunt hæc ipsa trabales
Artificum fixos manibus, qui prorsus ab uno
Principedependent ; etenim sic verba virorum
Prudentum defixa animis constanter inhaerent.

12. Hinc tibi desumas monitus dulcissime fili
Queis vitam moderare tuam, ne tramite recto
Devius error agat : hominum per sæcula gentem
Scribendi sine fine libros innata cupido
Instimulat quos nemo valet percurrere cunctos
Quamlibet immenso sese ille labore fatiget
Continuans luci tenebras lucemque tenebris.

13. Jam mihi dictorum repetenda est summa, tuque
Audi avidè & monitis animos advertito nostris,
Sensibus hæc imis, res est non parva, reponas.
Fac vereare Deum sincero pectore, nec non
Divinis faciles adhibe tu legibus aures,
Hic scopus humanæ, meta est hæc unica vitæ,
Quam spectare decet senium cum flore juventæ,
Et pueros cum virginibus matresque nurusque.

14. Quicquid enim mundi factum est ab origine, quicquid
Fiet ad extremo radiatum lumine solem.
Cum chaos antiquum mundo pereunte redibit
Singula librabit trutina deus ipse severa
Seu pia, seu contra sint impia, sive tenebris
Obruta, sive diem videant manifesta serenum.

F I N I S.

On the 1st of June 1841, the first of the
series of the "Gleaner" was published.
It was a small paper, and was
published by the "Gleaner" office.
The first of the series was published
on the 1st of June 1841.

2 1 1 7 7

PARAPHRASIS
IN
Duo Cantica
MOSIS
POETICA,
QUORUM

Alterum videre est in Libro ipsius quinto,
cui nomen Deuteronomium ; alterum in
secundo qui inscribitur Exodus.

Autore GULIELMO HOGÆO.

Ex Typographiâ Joannis Richardson impensis
Authoris. MDC LXXXVI.

PARAPHRASIS

Duo Cantica

Missa

POETICA



825:02

CANTICUM
MOSES

Quod Continetur

DEUTERONOMII

C A P. XXXII.

Aldite O Cæli quæ nunc ego verba profundam ;
Et voces, O terra, tuam demitte per aurem
Mellifluas, quas ipse canam dulcedine mira.
2. Magna canam, miranda feram, memoranda recludam,
Queis gens Ifacidum cupidas si advertitis aures

Efficient

Efficiant virtute animum florescere, tanquam
 Caelestis cadit imber aquae, quo gramina surgunt,
 Ac veluti ros mane novo descendit in herbas
 Indeque purpurei revirescit gloria prati.

3. Nam Sanctum celebrabo deum, rerumque parentis
 Jure ego doctiloqua referam praekoniam lingua:
 Vos quoque facta dei linguis celebrate disertis.

4. Ille velut rupes medio est firmissima ponto,
 Quae fremitus salientis aquae contemnit inanes:
 Propositis non ille suis frustrabitur unquam:
 Ille sibi constat semper, justique tenorem
 Et veri rectique colit, servatque perennem,
 Flagitium Fraudisque dolos exosus iniquae.

5. Ah! genus Isacidum, quid prisco a sanguine vitam
 Degenerare tuam, & morum splendore coegit,
 Avertitque tuos patrum de tramite gressus?

6. Siccine gens insana animique & pectoris expers,
 Sic benefacta dei magna & praecleara rependis?
 An non ille tuus genitor qui a caede redemptam
 Restituit, mortisque truci te a fauce revulsit?
 Et stabilem iussit fieri, in solidoque locavit?

7. Mente memor veterum reputa nunc saecula dierum,
 Aetatesque animo intentus perpende priores,
 Inquire in patres, & avi rogitentur avorum,
 Haec uno, tibi quae narro, simul ore docebunt.

8. Cum Pater Omnipotens sobolem dispersit Adami.
 Per terras, variosque locos habitare coegit,
 Sic varios habitare locos, diversaeque regna
 Fecit, ut Isacidum fuerit memor ille suorum.

9. Nam deus hanc gentem elegit, lectamque dicavit
 Hanc sibi ceu privam patrimoni in saecula sortem.

10. Hanc olim invenit Arabum per inhospita saxa
 Antraque sylvicolum latebris horrenda ferarum.
 Hanc circumduxit placidè, vitaeque beatæ

Instituit servare vias, oculique tenella
 Ceu fuerit pupilla sui, tutatus ubique est.

11. Sicut inest Aquilæ pullorum cura suorum,
 Quis superincumbit, pansisque supervolat alis,
 Attollitque humeris gestans per inane, docetque
 Aerias tentare vias, & scandere nubes :

12. Sic populum deus ille suum, deus ille fovebat,
 Non dii, quos animi fingunt deliria vani :

13. Monstravitque viam cultas quæ ferret ad urbes
 Divitiis opibusque & festa pacè virèntes :
 Luxuriantis agri segetes ut pasceret almas
 Ut fluèrent illi saxorum e viscere mella
 Dulcia, florentique filex undaret olivo.

14. Ut vaccæ butyrum & uti lac dulce ministrant
 Ubera lanigerarum ovium atque ut (qualia passim
 Pulchra Basanæos tondent animalia montes)
 Delitias placidi pinguis caro præbeat agni
 Trux aries, hirtus caper, & bona copia frugum,
 Ulvarumque etiam biberet de sanguine puro.

15. At simul increvit luxusque & copia rerum
 Ingrata jam mente deum contempsit avorum
 Rejiciens penitus sanctarum dogmata legum :
 Sicut equus, qui colla negat submittere fræno
 Sævus, & in dominum furit atque recalcitrat ipsum
 Haud aliter certè gens hæc male sana rebellans
 In patrium movet arma deum, donaverat illis
 Qui vitam, totiesque datam de morte redemit.

16. Nam falsos coluere deos & numinis iram
 Atrocem Idolis irritavère prophanis,

17. Dæmoniisque litant inferna in sede sepultis
 Non Regi ætherio, qui sydera celsa gubernat ;
 Et sacris placare focis nova numina tentant,
 Numina, non unquam Patribus venerata vetustis,
 Numina, non audita aut visa prioribus annis,

Quæ nuper commenta hominum mens impia finxit.

18. Usque adeo, Abramidæ, vobis de mente profana
Excidit æternus mundi rectorque Parensque
Qui vos O quoties miro dignatus honore est.

19. Hæc populi malefacta sui spectavit ab alto
Omnipotens, natosque suos, natasque rebelles
Degenerare videt penitus : Pater ergo perennis
Jure fuit calidâ graviter succensus ab irâ.

20. Hæc igitur secum : nostri nunc lumina vultus
Abscondam : quam dura sciet fortuna sequatur
Me vultum condente meum, gens ista rebellis
Quæ præscripta sibi pariter promissaque spernit.

21. En ! me stirps rabidas Jacobi accendit in iras
Impia, dum in varias simulacra excisa figuras
Marmoraque pictique colit ludibria trunci.
Qua mercede igitur gentem pensabo rebellem ?
Facta ego cum Patribus dissolvam fœdera, & illam
Rejiciam gentesque alias mihi fœdere jungam
Perpetuo ac lenis placidusque amplectar, at illi
Hæc adspectanti stimulis præcordia pungam
Invidiæ, luctuque animos tabescere cogam.

22. Namque furore meo fera flamma accensa repente
Descendens, terram ac fructus alimentaue terræ,
Et pariter vastos in fumum atque aëra montes
Vertet, & horrificæ penetrabit ad ima gehennæ.

23. Degener Isacidum soboles, ego jure dolores
Accumulabo tuos, plagis tua membra cruentis
Dilacerabo, unum faciam de corpore toto
Vulnus & innumeris feriam tibi corda sagittis.

24. Consumet te flamma ferox, inopinaque strages
Opprimet, immissæque truces te dente vorabunt
Terribilesque feræ & morsu lethale necabunt
Pulvere te saturæ rapientque in fata lacertæ

25. Imperiosa fames urbem prædabitur intus,

Exterius medios gladio bacchante per agros ;
 Hinc pulchri juvenesque simul mixtaeque puellae
 In fera fata ruunt, & matris ab ubere vulsos
 Mors rapiet pueros, senibus quoque vulnere saevo
 Cædet olorinas imitantia tempora plumas.

26. An non & patria ejectos vos undique cunctos
 Dispergam in populos penitusque a stirpe revellam ?

27. Hæc facerem, nisi jam vulgi male credulus error,
 Diraque sacrilegæ revocet me infania linguae :
 Ni forte hostilis rabies hac clade tumescens
 Viribus assignare suis foret ausa, quod ipse
 Præstiteram, stolidis jactans sua robora dictis.

28. Hæc me causa movet bilem compescere & iram
 Lenire, & populo stolidoque & mentis egeno
 Parcere, præcipitemque animi frænare furorem.

29. O si jam tandem gens ista huc usque rebellis
 Jam sapere incipiat, jam recta capessere discat ?
 Et vitæ de fine suæ sine fine revolvat
 Posset ut exultans venienti occurrere fato !

30. His ita me studiis sibi devinciret amore,
 Unus ut ex illis hostes vel mille fugaret,
 Millia dena duo facerent dare terga trementes.
 Sed quia non veterum sequeris vestigia Patrum,
 Degener Isacidum soboles, deus ille perennis
 Ille deus Patrum decus & tutela tuorum
 Te plectit meritaque tuo de sanguine pœnas
 Expetit obsessamque omni te ex parte lacessit.

31. Nam domini notum est, populo vel teste profano
 Robur, & ille deos sub se longe altior omnes,
 Quas alii stolidi placant, ceu numina cura,
 Deprimit, & splendore suæ virtutis obumbrat.

32. Et quicumque deos alios malesanus adorat
 Contempto te, mundi opifex, cadet ille repente
 Præcipitans, mor temque feret fugitiva voluptas.

Nempe bibet Sodomæ vitem, infamisque Gomorræ,
Vitem, uvas quæ felle magis producet amaras :

33. Nam cum vina bibit, cupidaque recondidit alvo,
Aspidis hinc virus rabidum generatur & atri
Serpentis furiale malum & per viscera serpit.

34. Hoc mihi consilium est ; miseros hæc fata manebunt
Haud quaquam fugienda, deo quicunque relicto,
Numina vana colunt, animi comimenta profani.

35. In dextra vindicta mea est : me vindice, siquis
Sculptilibus dans thura deis tollatur in altum,
Mox lapsu graviore ruit, mortique dicatus
Mox perit, & subita merito cadit ille ruina.

36. Si tamen ille miser populus resipiscere tandem
Omnibus exhaustus prope cladibus, omnium egenus,
Et vitæ melioris iter jam insistere discat :
Mox vultu meliore deus spectabit, amica
Gaudebit relevare manu, & miserabitur ultro.

37. Tunc illis Pater Omnipotens sic ora resolvet ?
Quo dii nunc abiære tui ? tua numina quo se
Proripuère tibi, & miseris te in rebus egenum

38. Undique deseruere, tui queis thuris honore
Cæsarumque boum fibris persæpe litasti
Donaque cum liquido dederas cerealia vino ?
Jam faciles surgant ad opem, promptique ferendam
Cultorem si fortè suum tutarier audent.


39. En ego, nonne vides ? ego sum qui in rebus egenis
Auxilium tibi ferre queam, tibi subdere vires ;
Non alii quoscunque deos male credulus error
Fabricat ; en pariter vitæque necisque potestas
Me penes est unum ; pariter quoque vulnera sano,
Vulneraque infligo, nec se mihi subtrahet ullus
Deprensus quemcunque hominum mea dextra tenebit.

40. Astollam si forte manum, si forte libebit
Per vitam jurare meam, mox, ense recluso,

41. Procedam, mihi crede, tuos violentus in hostes,
Et meritas pœnas scelerato ex sanguine fumam,
Diraque fatifero rumpam præcordia ferro.

42. Pectora sanguineis configam inimica sagittis,
Et meus hostili gladius se carne replebit
Abramidæ miseris namque implorare querelis
Ut numen cæpère meum, scelerumque suorum
Pœnituit vitæque piget tam turpiter actæ :
Tum gentem antiquam amplectar facilisque bonusque
Tum tegere & diræ incipiam subducere morti,
Hostileisque premam furias ego vindice dextra.

43. Ergo alacres quocunque loco quocunque sub axe
Cum populo gaudete meo atque applaudite gentes.
Tot servis ferroque meis flammaque peremptis,
Stragis ego vastæ cumulos ulciscar abunde,
Cordaque sanguineis penetrabo hostilia telis,
Et populum terramque meam servabo benignus.



CANTICUM
MOSIS

Quod Continetur

EXODI

C A P. XV.

Latino Carmine Περσικῶν quod composuit, & cecinit
postquam cum Israelitis mare rubrum incolumis per-
transiit, hostibus qui a tergo insequerantur repentino
undarum recurſu obrutis.

Æ Ternum celebrabo Deum, rerumque Parentem
Laudibus attollam meritis super æthera, namque
Prostravit rabidos valida virtute tyrannos,
Æquoreo submersit equos equitesque profundo.

Materiam ille mihi dulcem se in carmina præbet
 Dum vires ad bella meas horrentia firmat,
 Et saluum horribili revocat me a sancibus orci
 Est etiam deus ille meus, Patrumque meorum;
 Illum igitur cantabo, illique habitacula fingam.

2. Armorum bellicque potens est ille perennis
 Arbiter, & primam meruit bellando coronam
 Fortiter æternumque tenet per secula nomen.

3. Pharonem & Pharios submersit gurgite currus
 Magnanimosque duces rubri maris æquore vasto

4. Obruit; indomitis merfi jacere sub undis
 In fundum Oceani lapidis de more ruerunt.

5. O Pater Omnipotens latè tua dextera factis
 Clara per attonitas fundit miracula terras
 Corpora sanguineo tibi nunc inimica flagello
 Strata jacent, latosque procul dispersa per agros.

6. Tu surgens, animo meritas ubi concipis iras
 Sternis humi, trepidosque fuga cito dispices hostes,
 Hinc penitus consumpta jacet vis hostium inanis,
 Ut stipula in medias ubi decidit arida flammæ.

7. Afflatu, Pater alme, tuo, maris æquora rubri
 Præcipiti coiere gradu, labentia latè
 Flumina concurrere simul, sublataque in altum
 Mox Schythicâ tanquam glacie durata rigeant.

8. Persequar, & prædam arripiam (sic impius hostis
 Dixerat) & spoliis subito ditabor opimis,
 Et vastas adipiscar opes, ferrumque recludens
 Insequar, & medias feriam mucrone medullas.

9. At flabris, deus alme, tuis postquam æquora torques
 Mox hostes rabida unda tegit; plumbi gravis instar
 Protinus in medio merfi jacere profundo.

10. Quem Tellus, Pater alme tibi? quem præferat æther?
 Sanctius aut æque sanctum quid terra vel æther

Protulit ? O tantam mernit quis laude coronam ?
Aut quis tam valida faciat miracula dextra ?

11. Te dextram tendente tuam, mox terra resorpsit
Agmina terrificæ ferro radiantia turbæ.

12. Tu populum, Rex magne, tuum bonus atq; benignus
Eductum penitus sævoque ex hoste receptum
Custodis validaque manu perducis ad usque
Intemerata tui tutum sacraria templi.

13. Multorum attonitas populorum hic rumor in aures
Terribilis veniet subito, timor obruet ingens

14. Regna Palestinæ, quatietque ferocibus horror
Corda viris, trepidoque animi terrore liquescunt
Quam latè indomiti tellus patet ampla Moabi ;
Regnaque diversis Cananea subdita sceptris,
Tunc & Idumæi parili quoque more stupebunt.

15. Illis membra novus solvet formidine torpor
Protinus immotique simul mutique jacebunt
Ceu versa in rigidum fuerint sua corpora saxum
Dum populum transire tuum, Rex maxime Regum
Dum populum transire facis de morte redemptum.

16. Ifacidas, deus alme, tuos, tua dextera ducet
Adductos quoque plantabit super alta Sionis
Culmina, delectam tibi cuncta in sæcula sedem,
Templa tibi & solido fundata sacraria saxo.

17. Omnipotens qui templa habitat radiantia cæli
Imperium sine fine tenet, Regesque superbos
Ante suos recubare pedes & lambere terram
Cogit, & attonitos caput inclinare tyrannos :

18. Nam modo jam Phariæ soboles sævissima terræ
Sectata Ifacidas, & equis & curribus audax
Progrediens medias rubri maris ivit in undas ;
At subito deus ille manum protendit, & undam
Impulit, illa noto citius redit, atque ita turbam

In vires redeundo suas mox obruit omnem :
Sed genus Isacidum securum expersque pericli
Interea, ducente deo, processit, & audax
Arida tunc mediis vestigia pressit in undis.

CAR-

C A R M E N
DEBORÆ & BARAKI,

(Quod post devictos Hostes suos cecinerunt, prout
Capite quinto Libri, qui inscribitur *JUDICUM*,
magnifice depingitur ;) Latino Cultu Indutum.

J U D I C. V. I.

TUNC cecinerunt *Debora & Barakus*
Filius *Abinoami*, illo die, dicentes,
2. O laudate Deum, incolumes qui vindice dextrâ
Præstitit *Isacidas*, medioque ex hoste reduxit

Cûm

Cum promptas ad bella manus gens omnis habebat,

3. Audite O Reges, animosque advertite vestros,
Quicumque in Solio celsi residetis avito,
Gestantes Diadema comis ; ego, nunc ego certè
Facta Dei laudabo Dei, qui mente benignâ
Respicit *Isacidum* gentem propriamque dicavit :

4. O Pater omnipotens, *Seiro* cum a monte venires,
Cum per *Idumæos* traheres vestigia campos,
Intremuit tellus, cælo at cadit horridus imber,
Nubilaque in liquidas solvunt se ingentia guttas ;

5. Te, magno excelsi, veniente ex æthere montes
Attoniti terrore novo, Rex magne, liquescunt :
Pressaque Sina tuâ graviter sub mole fatiscit.

6. *Samgaro* vivente, *Anathi* de sanguine nato ;
Et paritèr *Iala*, *Kemita*, conjuge, nemo
Assuetas tentare vias audebat, at omnes
Obliquo pavidos trepidant in tramite gressus
Isacida ; villisque procul fugere relictis :

7. Donec ego in mediâ, mater celeberrima, turba
Surrexi *Debora*, animisque ingentibus audax
Extuleram caput, atque animavi in prælia gentem.

8. Ut vanos coluere Deos mox bella redibant :
Nec bello gens apta fuit : an tum hasta, vel ullus
Visus erat clypeus populi inter millia nostri ?

9. Jam cor lætitia dulci mihi pectora pulsât ;
Nempe quod in ducibus mora non fuit ulla vocatis,
Sed promptas habuere manus ad bella parati :
O domino *Isacidum* meritas jam dicite laudes ;

10. Dicite, qui niveos supra residetis asellos,
Quique intra medium facitis consulta Senatum,
Quique vias, late insidiis, & cæde timendas
Assueti peragrarè : & queis modo perculit aurem,

11. Cum Situlâ traxistis aquam de flumine, passim
Obvius horrifonæ fremitus stridorque sagittæ :

O mag-

O magnum celebrate Deum, celebrate potentem
 Qui jura captivo excussit servibia collo
 Optatamque dedit requiem : descendit & ipsis
 In portis celebrate Deum, qui talia vobis
 Præstitit, incolumesque rapit de morte propinqua,
 Pectora Sanguineo penetrans hostilia ferro.

12. Evigila, *Debora*, importunum excute somnum,
 Evigila, & rerum merito jam tolle parentem
 Carminibus super astra tuis : O surge *Barake*,
Abinoamides, surge atque accingere lætus,
 Horrida magnificos ut agas post bella triumphos ;

13. En ! nos, relliquias rabidi, immitisque tyranni
 Armavit, validamque facit prosternere gentem
 Omnipotens, ipsosque jubet sua colla tyrannos
Isacidum præbere jugo, & procumbere victos.

14. Tunc, post *Benjaminum* claro de sanguine natum
 Venit ab *Effremi* populis generosa propago,
 Stravit *Amalecum*, gladio quæ infesta cruento ;
 A *Machiro* venère duces, *Zebulonis* ab oris
 Accessèrè viri calamum tractare periti ;

15. *Issacarique* duces etiam tum in tempore belli
Debora conjuncti aderant, pariterque *Barakus*,
 Qui pedes in vallem fuerat demissus : in ipsum
Rubenem interea magna Indignatio mota est.

16. Cur timidus teneris voluisti accumbere in herbis
 Balantes inter pecudes ; dum sæva sonabant
 Classica sanguinei, tonitruque & murmura belli?
 In te igitur merito magna indignatio mota est.

17. Cur *Gileada* etiam segnis fuit incola ? cur non
Jordanis transivit æquas ad bella ; nec ultro
 Fluxerat è mediis soboles *Danea* carinis ?
 Cur etiam ipse tuas petiisti, *Affere*, latebras ?
 Cur tete abdideras reflui per littora ponti,

18. An nunc *Nephtalidas*, *Zebulonitasq;* tacerem ?

Qui se mittebant in aperta pericula forti
 Pectore, sanguineas ausi committere pugnas
 Intrepidè, dum bella gerunt atrocia campis
 In mediis, pulchrâmq; petunt per vulnera mortem.

19. Tunc varii reges, *Cananæia* regna tenentes,
 Se pugnae inferuere, & opem tum sponte ferebant,
 Perque *Megiddonis* fluvium fera bella gerebant,

20. Cœlitus impuls, non ullo munere : Namque
 Ipsa etiam astra suis sese opposuere *Sisera*
 Cursum, adpectuque acies trivere maligno.

21. Ipsa etiam tum ad bella parant se flumina : *Kison*
 Horribili incurrens fremitu rapit agmina, & undis
 Scuta virum, galeasque, & fortia corpora volvit,
 O mea mens intenta Deo, rerumque parentæ
 Nixa fide, quantas habuisti in prælia vires?
 En ! hostes cecidere opibus, numeroque superba
 Ecce tuis calcata jacet gens impia plantis.

22. Ipsa etiam tellus armat se in prælia, passim
 Ungula cornipedum fracta est in pulvere, & ipsi
 Est late dispersa viis, dum prosilit, & dum
 Quadrupedante putrè sonitu quatit undiq; campum :

23. Jam diras cumulate preces in dura *Meroza*
 Pectora ; pestiferam cuncti jam jure *Merozam*
 Devoveant, qui sacra colunt : (Sic Filius ipse
 Omnipotentis ait regis) namque hic modo nemo,
 Nemo laboranti voluit succurrere genti
 Hostili cum obfessa manu est : hic nemo ruinæ
 Obstiterat *Judæa* tuæ, postquam undique cincta es
 Hostibus innumeris, & opem fors dura poposcit.

24. O te fœlicem, te terque quaterque beatam
 Ante alias, quæcunque colunt tentoria, *Ialam*
 Ante alias, quæcunque colunt tentoria cujus
 Præda *Sisera* fuit, meritaque est morte peremptus :

25. Ille siti oppressus, modicam de flumine, quæso,

Da mihi, dixit, aquam, ast illi lac dulce ministrat,
Aureaque in calathò simul adfert mella decoro.

26. Ast ubi jam fessos miseri sopor occupat artus,
Tum clavum læva apprehendit, dextraq; securim :
Mox clavum illisit cerebro ; ferit inde securi
Divulsitque humeris caput. En ! dux illius atrox.

27. Ante pedes curvatus erat, ceciditque supinus,
Ante pedes curvatus erat, ceciditque, nec unquam
Quâ curvatus erat, potuit se attollere, verum
Procubuit, longaque oppressus nocte quievit.

28. Interea miseri genitrix lasciva *Sisera*
Prospicit è mediâ frustra lætata fenestra :
Tum sic orsa loqui, vano sese omine mulcens :
Quæ currus mora lenta tuos, dulcissime fili,
Detinet, optatosque facit tardare recursus ?

29. Fæmineus tunc blanda chorus responsa dederunt
Qui etiam ipsa sibi stolide blandita regessit :

30. An non victores redeunt ? spoliūmq; reducant ?
Aut una, aut geminæ præda est concessa puellæ
Cuique virum ; at nostro præda est pretiola *Sisera* :
Ille mihi certe lætus, victorque redibit
Pictus acu chlamydem, variâque in veste decorus,
Pictus acu chlamydem, chlamydem, quæ fulget utrinque
Artifici formata manu, dignissima collo
Victrici, spoliisq; viro, qui exultat ademptis,

31. Sic pereat, sic spem misere delusus inanem
Nutriat, & subitâ merito cadat ille ruina,
Qui te cunque odiis, qui te, pater optime, sævis
Prosequitur. Sed qui, genitor, te diligit illum
Claris illustrem radiis sic gloria adornet,
Ut, medio fulgente die, cum *Phabus* ab alto
Hinc atque hinc spatiis, cœlum determinat æquis.